



**ACTA DE SESIÓN ORDINARIA CELEBRADA POLO PLENO DA
CORPORACIÓN MUNICIPAL DE CAMBADOS O DÍA 26 DE NOVEMBRO
DE 2015.**

ASISTENTES:

- Abal Roma, Fátima (P.S.deG.-PSOE) – Alcaldesa
- Abal Varela, José Ramón (Cambados PODE), no segundo punto.
- Aragunde Aragunde, Luis (P.P.)
- Brea Troncoso, Mónica (P.P.)
- Caamaño Rivas, Víctor Manuel (B.N.G.)
- Cacabelos Domínguez, María Josefa (B.N.G.)
- Charlín Trigo, Xurxo (Participación Democrática Directa de Galicia/Somos Cambados)
- Cordal Rodríguez, Constantino (Participación Democrática Directa de Galicia/Somos Cambados), no segundo punto.
- Gómez Blanco, Juan Ramiro (P.P.)
- Iglesias Pombo, Antonio Joaquín (P.P.)
- Martínez Piñeiro, Milagros (P.S.deG.-PSOE)
- Pérez Osorio, Miguel (P.S.deG.-PSOE)
- Prado Cores, María Teresa (B.N.G.)
- Serantes González, Luis Alberto (P.P.)
- Varela Piñeiro, María Isabel (P.P.)

NON ASISTE:

- Cores Chaves, José Juan (P.P.)
- Pomares Botana, Eulogio (P.P.)

SECRETARIO: Alberto Fuentes Losada

Na localidade de Cambados, sendo as vinte e unha horas do día 26 de novembro de 2015, e ao efecto de proceder a celebrar sesión ordinaria do Pleno da Corporación, reúnense os Sres. Concelleiros electos, aos efectos de tratar os asuntos incluidos na Orde do Día:

1º.- LECTURA E APROBACIÓN DA ACTA CORRESPONDENTE Á SESIÓN CELEBRADA O DÍA 29.10.2015.-

2º.- APROBACIÓN INICIAL, SE PROCEDE, DA ORDENANZA MUNICIPAL DE VENDA AMBULANTE OU NON SEDENTARIA DO CONCELLO DE CAMBADOS.-

3º.- APROBACIÓN INICIAL, SE PROCEDE, DO REGULAMENTO DA ACTIVIDADE DE FURANCHOS E LOUREIROS DO CONCELLO DE CAMBADOS.-

4º.- APROBACIÓN INICIAL, SE PROCEDE, DA ORDENANZA FISCAL REGULADORA DA TAXA POLA REALIZACIÓN DE TAREFAS DE CONTROL, VERIFICACIÓN E TRAMITACIÓN DOS EXPEDIENTES DE APERTURA DE FURANCHOS E LOUREIROS DO CONCELLO DE CAMBADOS.-

APROBACIÓN INICIAL SE PROCEDE, DA ORDENANZA REGULADORA DO SERVIZO DE TELEASISTENCIA DOMICILIARIA DO CONCELLO DE CAMBADOS.-



- 6º.- ADOPCIÓN, SE PROCEDE, DO ACORDO DE GOBERNO PARA INSTAR AOS GOBERNO DE ESPAÑA E DA XUNTA DE GALICIA A INCLUIR A VACINA CONTRA A MENIXITE-B NO CALENDARIO VACINAL.-
- 7º.- ADOPCIÓN, SE PROCEDE, DO ACORDO DE GOBERNO PARA APOIAR AS RECLAMACIÓNNS TRASLADADAS POR PARTE DA ASAMBLEA DO CERCO, RELATIVAS A REXEITAR O PREACORDO DE REPARTO DE COTAS DE XURELO E XARDA.-
- 8º.- MOCION DO PARTIDO POPULAR PARA PROMOCIÓN DA COMPETITIVIDADE E VIABILIDADE DA FLOTA GALEGA DO CERCO
- 9.- DAR CONTA DAS RESOLUCIÓNNS DICTADAS POLA ALCALDÍA.-
- 10º.- CONTESTACIÓN A PREGUNTAS FORMULADAS.-
- 11º.- ROGOS E PREGUNTAS.-
-

1º.- LECTURA E APROBACIÓN DA ACTA CORRESPONDENTE Á SESIÓN CELEBRADA O DÍA 29.10.2015- Aberta a sesión, pola Presidencia pregúntase ós señores Concelleiros se teñen algunha obxeción que formular á acta da sesión anterior, celebrada o pasado día 29 de outubro, e non formulándose ningunha, a Corporación Municipal acorda prestarlle a súa aprobación.-

URXENCIA.- Pola Sra. Alcaldesa participouse aos señores membros da Corporación que se atopan na sala unha representación dos traballadores do Diario de Arousa (Editorial La Capital, S.L.), e desexan dar traslado do escrito presentado, con data 23.11.2015, pola representante sindical, Dª Fátima Frieiro Santaya, e solicitan o apoio deste Concello, despois dos despidos realizados no referido xornal; escrito que non puido ser incluído dentro da orde do día, e tendo en conta ademáis que estes profesionais teñen que seguir realizando a súa labor interesa, por unha banda, que se aprobe a inclusión deste punto por urxencia e que se trate antes de tódolos demás a fin de que poidan explicalo eles mesmos e logo continuar coas súas función neste e outros Concellos da zona mentres se debaten os demás asuntos previstos.

Sometido o asunto a votación, acadouse o seguinte resultado:

- Votos a favor: quince (Sres.: Abal Varela, Aragunde Aragunde, Brea Troncoso, Caamaño Rivas, Cacabelos Domínguez, Charlín Trigo, Cordal Rodríguez, Gómez Blanco, Iglesias Pombo, Martínez Piñeiro, Pérez Osorio, Prado Cores, Serantes González, Varela Piñeiro e Sra. Alcaldesa).
- Votos en contra: ningún
- Abstencións: ningunha

A Corporación Municipal, por unanimidade, acorda prestarlle a súa conformidade á proposta e que se inclúa de urxencia na Orde do Día da sesión o escrito referenciado, pasando a expoñerse a continuación para o seu debate e adopción do acordo correspondente, polas razóns indicadas.

ESCRITO DE Dª FÁTIMA FRIEIRO SANTAYA, EN REPRESENTACIÓN DOS TRABALLADORES DE “DIARIO DE AROUSA”, SOLICITANDO O APOIO DA CORPORACIÓN POLOS DESPIDOS REALIZADOS POR DITO XORNAL.- A

Sra. Alcaldesa cédelle a palabra a Sra. Frierio Santaya, quen da lectura ó escrito presentado con data 23.11.2015 (R.E. 2015008098), que é do seguinte tenor literal: “EXPOSICIÓN DE MOTIVOS.”- A dirección de Editorial La Capital (grupo ao que pertence, entre outras cabeceiras, Diario de Arousa) procedeu hai uns días ao despedimento de dous traballadores

dous departamentos de Administración e Fotografía. Unha medida que merma ainda máis a capacidade dunha plantilla que vén de soportar dous EREs consecutivos, coa súa



correspondente merma na prestación de desemprego, ademais de continuos e reiterados retrasos no pago dasúa nóminas.= Os despidos é unha medida que ataca ademais a un dos departamentos básicos dun xornal como é o de Fotografía. Diario de Arousa queda agora con unha soa persona nesta sección e, por conseguinte, sen fotógrafos na plantilla cando este único traballador estea de vacacións ou nos seus correspondentes días libres.= Estes dous despidos súmanse aos de catro compañeiros que no último ano chegaron a un acordo coa empresa, pero tamén aos tres despidos que executou Editorial La Capital no ano 2010 coa centralización dos departamentos de Infografía e Arquivo na sede da Coruña.= Todos estes movementos levan á plantilla de traballadores a pensar que as intencións de Editorial La Capital non son outras que as de desmantelar Diario de Arousa e, polo tanto, deixar ás comarcas de O Salnés, O Barbanza e Ulla-Umia sen unha cabeceira propia. Todo isto suporía un ataque directo á pluralidade informativa e tería pésimas consecuencias non para os traballos deste medio, senón para o conxunto da sociedade e dos seus representantes, que verían como se apaga a súa voz.= SOLICITAMOS AO PLENO DA CORPORACIÓN: * Mostrar o rexemento máis absoluto aos despedimentos realizados en Diario de Arousa, El Ideal Gallego e Diario de Ferrol.= Instar formalmente a Editorial La Capital a readmitir nos seus postos de traballo aos compañeiros despedidos e regularizar o pago dos salarios.= Apoiar a folga e as mobilizacións que poñen en marcha os traballadores pola defensa dun posto de traballo digno.”

Remata a súa intervención, e sometido o asunto a votación, acadouse o seguinte resultado:

- Votos a favor: quince (Sres.: Abal Varela, Aragunde Aragunde, Brea Troncoso, Caamaño Rivas, Cacabelos Domínguez, Charlín Trigo, Cordal Rodríguez, Gómez Blanco, Iglesias Pombo, Martínez Piñeiro, Pérez Osorio, Prado Cores, Serantes González, Varela Piñeiro e Sra. Alcaldesa).
- Votos en contra: ningún
- Abstencións: ningunha

A Corporación Municipal, por unanimidade, acorda:

1º.- Mostrar o seu rexemento máis absoluto aos despedimentos realizados en Diario de Arousa, El Ideal Gallego e Diario de Ferrol.

2º.- Instar formalmente a Editorial La Capital a readmitir nos seus postos de traballo aos compañeiros despedidos e regularizar o pago dos salarios; e,

3º.- Apoiar a folga e as mobilizacións que poñen en marcha os traballadores pola defensa dun posto de traballo digno.


2º.- APROBACIÓN INICIAL, SE PROCEDE, DA ORDENANZA MUNICIPAL DE VENDA AMBULANTE OU NON SEDENTARIA DO CONCELLO DE CAMBADOS.

CAMBADOS.- Dase conta do texto da Ordenanza, no que se incluen as propostas formuladas pola Mesa Local de Comercio reunida o pasado día 20.11.2015, e que foi dictaminada pola Comisión Informativa de Facenda e Patrimonio, o 25.11.2015, co voto favorable dos Concelleiros do Grupo de Goberno (Sres. Charlín Trigo, Cordal Rodríguez, Pérez Osorio e Prado Cores) e coa abstención do Grupo Municipal do P.P. (Sres. Aragunde Aragunde, Iglesias Pombo e Brea Troncoso).

Por parte do Concelleiro de Economía e Portavoz do Grupo de Goberno, Sr. Charlín Trigo, dase lectura á seguinte exposición de motivos:= “Exposición de Motivos.- O Mercado Ambulante tradicionalmente formou parte da historia do noso Concello. Historicamente faiuse referencia a un dos mais emblemáticos monumentos de Cambados, como a praza de Fefiñans, como a praza do Mercado, xa que tradicionalmente nesta praza cada cuarta feira víñase realizando un mercado ambulante no que se achegaban veciños doutros concellos a vender e mercar os produtos, motivo polo cal, Don Javier Zarate e Murza, fillo do marqués de Montesacro, a mediados do século XIX, foi o principal responsable do derrubamento dos dous arcos-pontes que unían o paso coa igrexa de San



Bieito e o que unia a fachada cos balcóns redondos coas actuais casas con soportais da cara sur da praza, por molestar os que vixaban a cabalo e os que levaban palla ou leña na cabeza e que cada cuarta feira acudían o mercado de Fefiñans, e que tamen foi responsable do deseitamento do que ata esa data fora igrexa parroquial de Santa Mariña para posteriormente reparalo, reparacion que nunca se fixo. Polo tanto vemos como a importancia dos mercados neste concello chegan aos nosos días, e no que atinxo concretamente á regulación dos mercados ambulantes, a presente ordenanza ten por obxecto a regulación da venda ambulante ou non sedentaria no Concello de Cambados e do seu réxime sancionador, de acordo coas competencias atribuídas aos concellos na Lei 7/1985, de 2 de abril, reguladora das bases de réxime local; no artigo 54 da Lei 7/1996, de 15 de xaneiro, de Ordenación do comercio minorista na redacción dada pola Lei 1/2010, do 1 de marzo; no Real decreto 199/2010, do 26 de febreiro, polo que se regula o exercicio da venta ambulante ou non sedentaria; e na Lei 13/2010, do 17 de decembro, do comercio interior de Galicia, actividade sometida a autorización administrativa previa.= Este novo marco normativo abre, polo tanto, a posibilidade de regular unha actividade, a de mercados ambulantes, que representa unha forma tradicional de establecementos de venda moi arraigada no noso concello, pero tamén novas actividades como pode ser a venda ambulante mediante camións ou vehículos tenda, actividades que ata o de agora non se podían realizar en Cambados o non existir unha lexislación explícita que as incluirá e no que se reflexaran as características e obrigas dos mesmos, xa que o actual marco normativo que regula este tipo de actividades de mercado ambulante, data do ano 2002, con mais de trece anos de antigüidade e que se atopa incluído dentro da ordenanza da praza de abastos, no que se inclúe un Capítulo V de Venda Ambulante de 8 artigos onde se regula este tipo de venda, e que polo tanto non esta adaptada as normas autonómicas e estatais como son o Real decreto 199/2010, do 26 de febreiro, polo que se regula o exercicio da venta ambulante ou non sedentaria; e a Lei 13/2010, do 17 de decembro, do comercio interior de Galicia, e que polo tanto, a venta en mercados ambulantes leva mais de 5 anos sen estar adaptada a normativa existente nesta materia, sendo polo tanto unha normativa obsoleta.= A regulación desta actividade, polo tanto, comporta a necesidade para o Concello de Cambados, de elaborar unha ordenanza reguladora que recolla e explicite as competencias municipais de acordo co procedemento previsto nesta Ordenanza e segundo establecen nos arts. 74 e seguintes do Regulamento de Bens das Entidades Locais, aprobado po Real Decreto 1372/1986, de 13 de xuño, e artigo 72 da Lei 13/2010, de 17 de decembro, do comercio interior de Galicia= Esta Ordenanza foi levada a debate e buscouse o consenso da mesma na Mesa de Comercio Local deste Concello, lugar onde se buscou un consenso da mesma, e onde por primeira vez participou un membro da oposición con voz e voto, en aras de buscar un consenso que permita obter unha ordenanza o mais participativa posible, onde tamén asistiron a directiva da Asociación de Comerciantes Zona Centro de Cambados, membros da directiva da Asociación Galega de Ambulantes y Autónomos, así como unha representación dos ambulantes de Cambados que solicitaron participar na redacción da mesma, xunto coa representante da Federación Galega de Prazas de Abastos de Galicia, unha reunión que durou mais de dúas horas e media e onde se foi debatendo un por un tódolos puntos desta ordenanza en aras de chegar a un consenso na redacción da misma, estando todos os participantes nesta reunión de acordo coa nova regulación e a necesidade de regular este tipo de actividades para evitar o intrusismo e a competencia desleal que pode provocar a falta de regulamentación nesta actividade.= Unha vez que se aprobe inicialmente esta ordenanza, o Concello de Cambados no período de exposición pública da mesma, durante o período onde calquera colectivo ou persoa individual pode presentar calquera tipo de alegación previa a sua aprobación definitiva, vaise realizar unha campaña informativa, onde se vai imprimir unha copia da mesma e vai ser repartida unha a unha entre todos os ambulantes que traballan no mercado de Cambados, para que a título



individual poidan presentar no caso de que así o consideren, calquera tipo de alegacións nesta ordenanza, e que en caso de habelas serán traídas a debate nun posterior pleno para así ter tido en conta para a redacción desta ordenanza, non so os representantes destes colectivos se non tamén aos propios vendedores ambulantes. **ESTRUTURA**.= A presente Ordenanza Municipal estrutúrase en oito capítulos, e consta de vinteun artigos, unha Disposición Adicional, unha Disposición Transitoria, unha Disposición Final e unha Disposición Derogatoria ademais de dous anexos.= No Capítulo I, baixo o epígrafe "Disposicións Xerais" delimitase o obxecto e o fin da presente ordenanza, Concepto, modalidades e réxime xurídico, o Réxime de autorización, as Características da autorización, e os Requisitos para o exercicio da actividade de venda ambulante ou non sedentaria.= En canto ao Capítulo II, denominado "RÉXIME XERAL DE AUTORIZACIÓN", determiníñase as competencias que lle corresponden ao Concello de Cambados, dentro do seu termo municipal nesta norma.= En canto ao Capítulo III, denominado "COMPETENCIAS MUNICIPAIS", determiníñase a Autorización Municipal, o Procedemento para conceder as autorizacións de venda, o seu outorgamento, e o contido da Autorización, a súa vixencia, renovación e extinción da mesma.= En canto ao Capítulo IV, denominado "REXISTRO MUNICIPAL DE VENDEDORES AMBULANTES", determiníñase o funcionamento do Rexistro municipal de vendedores Ambulantes, e o desenrollo do mesmo.= En canto ao Capítulo V, denominado "DEREITOS E OBRIGAS", determiníñase os dereitos e as obrigas dos vendedores ambulantes autorizados.= En canto ao Capítulo VI, denominado "INSPECCIÓN", determiníñase o procedemento de Inspección por parte do Concello do cumprimento da norma.= En canto ao Capítulo VII, denominado "RÉXIME SANCIONADOR", determiníñase o procedemento sancionador coas infraccións e o tipo de sancións que o concello pode impoñer en caso de non cumplirse a norma.= E xa no derradeiro Capítulo VIII, denominado, "CONDICIÓNES ESPECÍFICAS DE CADA MODALIDADE DE VENDA AMBULANTE OU NON SEDENTARIA", establecen as distintas modalidades de feiras e mercados que se establecen en Cambados, ubicación, horario, datas, vendedores, postos e produtos.= A ordenanza remata coa presentación da Disposición Transitoria, Adicional, final e derogatoria, e os 2 anexos que acompañan."

O Portavoz do P.P., Sr. Aragunde Aragunde di que ó seu grupo lles parece ben que se adapte a Ordenanza á Lei Autonómica; que postos en contacto con vendedores ambulantes lles comentaron que non tiñan copia e que, en definitiva, vanse abster na votación.

Contéstaselle polo Sr. Charlín Trigo que cando se aprueba a Ordenanza se lle facilitará un exemplar aos vendedores que a queira.

Rematas as intervencións, sométese o asunto a votación, acadándose o seguinte resultado:

- Votos a favor: nove (Sres.: Pérez Osorio, Martínez Piñeiro, Caamaño Rivas, Cacabelos Domínguez, Prado Cores, Cordal Rodríguez, Charlín Trigo, Abal Romero e Sra. Alcaldesa)
- Votos en contra: ningun.
- Abstencións: seis (Sres. Aragunde Aragunde, Varela Piñeiro, Brea Troncoso, Serantes González, Gómez Blanco e Iglesias Pombo).

A Corporación Municipal, por maioría, acorda:

1º.- Aprobar inicialmente a Ordenanza municipal reguladora da venda ambulante ou non sedentaria do Concello de Cambados, de acordo co texto que se acompaña.

2º.- Que se someta a información pública e audiencia aos interesados, polo prazo de trinta días, mediante anuncios no Boletín Oficial da Provincia e no taboleiro da consistorial, que de presentarse serán resoltas pola Corporación; e, de non presentarse, considerarase aprobada definitivamente sen necesidade de acordo expreso do Pleno, debendo publicarse o texto íntegro da Ordenanza no B.O.P., para a súa entrada en vigor.



"ORDENANZA MUNICIPAL DE VENDA AMBULANTE OU NON SEDENTARIA DO CONCELLO DE CAMBADOS.-

PREAMBULO

CAPÍTULO 1.- Disposicións xerais

Artigo 1. Obxecto da norma.- A presente ordenanza ten por obxecto a regulación da venda ambulante ou non sedentaria no Concello de Cambados e do seu réxime sancionador, de acordo coas competencias atribuídas aos concellos na Lei 7/1985, de 2 de abril, reguladora das bases de réxime local; no artigo 54 da Lei 7/1996, de 15 de xaneiro, de Ordenación do comercio minorista na redacción dada pola Lei 1/2010, do 1 de marzo; no Real decreto 199/2010, do 26 de febreiro, polo que se regula o exercicio da venta ambulante ou non sedentaria; e na Lei 13/2010, do 17 de decembro, do comercio interior de Galicia, actividade sometida a autorización administrativa previa.

Artigo 2. Concepto, modalidades e réxime xurídico.- 1.- Considérase venda ambulante ou non sedentaria a realizada por persoas comerciantes, fóra dun establecemento comercial permanente de forma habitual, ocasional, periódica ou continuada, nos perímetros ou nos lugares debidamente autorizados en instalacións comerciais desmontables ou transportables, incluíndo os camións tenda.

2.- O exercicio da venda ambulante ou non sedentaria poderase realizar nalgunha das seguintes modalidades:

- a) Venda ambulante en mercados periódicos.
- b) Venda ambulante en mercados fixos.
- c) Venda ambulante en postos desmontables instalados na vía pública.
- d) Venda ambulante en mercados ocasionais.
- e) Venda ambulante mediante camións ou vehículos tenda.

A definición de cada tipoloxía é a recollida no artigo 71 da Lei 13/2010, do 17 de decembro, do comercio interior de Galicia:

a) Venda ambulante en mercados periódicos: aquela autorizada nos mercados situados en poboacións, en lugares e espazos determinados, cunha periodicidade habitual establecida. Dentro desta epígrafe están encadradas, entre outras, as realizadas en feiras populares, en mercados de postos e en rastros.

b) Venda ambulante en mercados fixos: aquela autorizada en lugares anexos aos mercados municipais ou de abastos, con instalacións permanentes nas poboacións.

c) Venda ambulante en postos desmontables instalados na vía pública: aquela autorizada para un número de postos, situacións e períodos determinados.

d) Venda ambulante en mercados ocasionais: aquela autorizada en mercados esporádicos, que teñan lugar con motivo de feiras, festas ou acontecementos populares.

e) Venda ambulante mediante camións ou vehículos tenda: aquela realizada nos citados medios e autorizada en zonas ou lugares determinados a través de acordoa da Xunta de Goberno Local.

3.- A actividade comercial desenvolvida baixo algunha das modalidades de venda ambulante ou non sedentaria deberase efectuar con suxeición ao réxime xeral da Lei 7/1996, do 15 de xaneiro, de ordenación do comercio retailista e na Lei 13/2010, do 17 de decembro, do comercio interior de Galicia, sen prexuízo do cumprimento doutras normas que resulten de aplicación.

Artigo 3.- Réxime de autorización.- 1.- Corresponde ao Concello de Cambados determinar a zona de localización para o exercicio da venda ambulante ou non sedentaria, fóra da cal non se poderá exercer a actividade comercial. Os postos de venda ambulante ou non sedentaria non se poderán situar nos accesos a edificios de uso público, establecementos comerciais e industriais, nin en lugares que dificulten o acceso e a circulación. Os postos de venda instalados en beirarrúas ou vías públicas que vulneren o



establecido no apartado anterior, serán retirados por persoal municipal, previa Resolución da Alcaldía.

2.- Para cada localización concreta e por cada unha das modalidades de venda ambulante ou non sedentaria que o comerciante se propoña exercer, deberá solicitar unha licenza, que será outorgada polo concello. Esta licenza dará dereito a un só posto de venda e só poderá solicitarse unha por cada epígrafe da CNAE que determina suxeición ao IAE.

3.- Tendo as licenzas a consideración de seren outorgadas sen prexuízo de terceiro e con natureza precaria, o exercicio de calquera actividade ou comercio na vía pública sen licenza municipal, ou sen axustarse a ela, dará lugar á retirada inmediata das instalacións, elementos e xéneros neles situados. No caso do parágrafo anterior, os interesados poderán recuperar os elementos retirados previo abono do importe dos custes de procedemento de custodia e almacenamento das mercadorías retidas. Os/as comerciantes terán a vista na parte frontal superior e perfectamente visible a licenza municipal, polo que presumirase que tal licenza non existe de non presentar a mesma no momento de ser esixida polos axentes municipais.

Artigo 4.- Características da autorización.- 1. As licencias de ocupación de vía pública nos días sinalados serán expedidas pola Administración municipal, sendo da súa competencia única e exclusiva o outorgamento das mesmas. Será competente para autorizar a venda nos lugares indicados nesta Ordenanza, unha resolución da Alcaldía, sen prexuízo de que se trate dunha competencia delegable, agás que a lexislación sectorial a atribúa expresamente a outro órgano. As licenzas serán individuais e intransferibles, salvo a excepción do art. 4.3, e a súa duración será de cinco anos, computado desde o outorgamento, prorrogable por idénticos períodos, de manterse as circunstancias que motivaron a autorización. A renovación anual das autorizacions para a venda ambulante farase no período comprendido entre o 1 OUTUBRO o 31 de OUTUBRO.

2.- O procedemento para o outorgamento da autorización para o exercicio da venda ambulante ou non sedentaria realizarase en réxime de concorrencia competitiva. Se non fose procedente, por non ter que valorarse condicóns especiais nos solicitantes, mediante sorteio. O procedemento será público e a súa tramitación deberase desenvolver conforme criterios claros, sinxelos, obxectivos e predicibles. A convocatoria será pública, debendo estar presentes os solicitantes no momento do sorteо. No caso contrario o posto volverá a sortearse. O sorteо realizarase entre todos os solicitantes, procedéndose á elección dos postos por orden no resultado do sorteо. Crearase una lista de reserva para todos aqueles solicitantes que non obteñan posto. O Concello fará pública a convocatoria ó menos dez días antes da adxudicación, publicando anuncio no boletín oficial da provincia, no Taboleiro de edictos e na páxina web do Concello. No caso de que, una vez realizado o sorteо, e esgotada a lista de reserva, resulten postos vacantes, ou estes se orixinen por renuncia dos seus titulares, os postos adxudicaranse por orden de entrada das solicitudes no rexistro do Concello, una vez esgotada a lista de reserva. Na resolución do procedemento fixaranse os requisitos da autorización, que terán que ser necesarios, proporcionais e non discriminatorios.

3.- As licenzas poderánse conceder tanto a persoas físicas coma a persoas xurídicas, sexan sociedades mercantís ou cooperativas, e serán unicamente transferibles a outras persoas físicas ou xurídicas que cumpran os requisitos establecidos neste artigo, logo de comunicación á administración competente. A autorización é persoal. No caso de que o impedimento para o exercicio da venda que autoriza a licenza municipal sexa temporal ou transitorio, o titular, mantendo tal condición, poderá ser substituído, previa autorización municipal, polos familiares en primeiro grao de consanguinidade ou afinidade, sempre que o familiar proposto non sexa titular doutra autorización e que estea dado de alta na seguridade social, cando proceda, todo o cal deberá documentarse adequadamente. O titular da autorización poderá contratar persoal que lle asista na atención do posto.



- 4.- O Concello de Cambados poderá comprobar e inspeccionar, en todo momento, os feitos, actividades, transmisiones e demais circunstancias da licenza concedida, notificando, se é o caso, aos órganos autonómicos de defensa da competencia os feitos dos cales teñan coñecemento no exercicio das súas funcións que poidan constituír infracción da lexislación de defensa da competencia. A transmisión dunha autorización non afectará o seu período de vixencia, que se manterá polo tempo que reste ata a finalización do prazo de duración.
5. A autorización debe definir, polo menos, o prazo de validez, os datos identificativos do titular, o lugar ou lugares en que se pode exercer a actividade, os horarios e as datas en que se poderá levar a cabo así como os produtos autorizados para a venda.
6. O titular da autorización de produtos de alimentación e herbodietética deberá adicionalmente cumplir os requisitos que impón a normativa sanitaria.
7. O comerciante deberá ter expostos para o público e para as autoridades que realicen actuacións inspectoras, en forma facilmente visible a autorización municipal.
8. As autorizacións entenderán concedidas en precario e poderán ser revogadas unilateralmente polo Concello de Cambados no caso de incumprimento da normativa ou desaparición das circunstancias que as motivaron, sen que tal feito dea orixe a indemnización ou compensación ningunha.


Artigo 5. Requisitos para o exercicio da actividade de venda ambulante ou non sedentaria.- 1. Serán requisitos inescusables para a concesión da licenza de venda ambulante os seguintes:

- a) Estar dado ou dada de alta no réxime correspondente da Seguridade Social e, de ser o caso, no imposto de actividades económicas.
 - b) Cumprir os requisitos das regulamentacións de cada tipo de produtos.
 - c) Estar en posesión, de ser o caso, do certificado acreditativo de ter recibido formación en materia de manipulación de alimentos.
 - d) Satisfacer as taxas e os tributos fixados na correspondente ordenanza municipal.
 - e) Dispoñer dos permisos de residencia e de traballo que, en cada caso, sexan exixibles, de se tratar de persoas estranxeiras.
 - f) As persoas xurídicas deberán acreditar os seguintes extremos: o CIF, a acta de constitución, os estatutos e a escritura de poder outorgada á persoa que asina a solicitude de autorización en representación da empresa.
 - g) Dispoñer de seguro de responsabilidade civil.
2. Os vendedores ambulantes deberán cumplir no exercicio da súa actividade, a obriga de coñecer e cumplir a normativa xeral de ordenación do comercio, disciplina de mercado e protección do consumidor e cumplir as condicións e requisitos esixidos pola normativa reguladora dos produtos que sexan obxecto da venda.
- 3.- As instalacións e maquinaria que se empreguen para os postos de venda terán que ser desmontables e reunirán en todos os casos, as debidas condicións de seguridade, salubridade, limpeza e presentación, podéndose ordenar a retirada das instalacións ou maquinaria que non reúnan as devanditas características.

CAPITULO II.- COMPETENCIAS MUNICIPALES.

Artigo 6. Correspónelle ao Concello de Cambados, dentro do seu termo municipal:

- 1.- Conceder a autorización para o exercicio da venda ambulante ou non sedentaria, de acordo co establecido nesta Ordenanza. As autorizacións concederánse en condicións non discriminatorias e o procedemento deberá garantir a transparencia e a imparcialidade e, en concreto, a publicidade adecuada de inicio, desenvolvemento e fin do proceso.
- 2.- Revogar ou anular a autorización concedida cando desaparezan as circunstancias que motivaron a súa concesión e segundo o disposto no art. 12 desta Ordenanza.
- 3.- Fixar na correspondente ordenanza fiscal as taxas para o exercicio da actividade no domínio público municipal.



4.- Establecer a ubicación, datas e horarios de celebración das feiras e mercadillos do Concello, a súa modificación e supresión.

5.- Determinar os artigos dos que se autoriza a venda nos mercadillos que se celebren no termo municipal, de conformidade coa normativa específica que regule a comercialización de cada grupo de produtos e as prohibicións específicas contidas na Lei 13/2010, do 17 de decembro, de Comercio Interior de Galicia.

6.- Establecer as condicións necesarias para o desenvolvemento do tránsito normal de vehículos e peóns, indicando as vías de circulación e os espazos de aparcamento, carga e descarga.

7.- Establecer as condicións de vixilancia e control no desenvolvemento da feira ou mercado.

8.- O Concello de Cambados coidará de que os lugares destinados ao exercicio da venda ambulante se atopen en axeitadas condicións de limpeza e salubridade, debendo exercer o debido control hixiénico e sanitario, en especial dos produtos perecedoiros e de alimentación, de acordo coa lexislación e coas ordenanzas vixentes.

9.- Impoñer as sancións correspondentes ás condutas constitutivas de infracción, de acordo co establecido no Capítulo VII da presente Ordenanza

CAPITULO III.- RÉXIME XERAL DE AUTORIZACIÓN.

Artigo 7. Autorización Municipal. - 1. O exercicio da actividade regulada nesta Ordenanza está suxeita a previa concesión de licenza polo órgano municipal competente e de acordo co procedemento previsto nesta Ordenanza e segundo establecen nos arts. 74 e seguintes do Regulamento de Bens das Entidades Locais, aprobado po Real Decreto 1372/1986, de 13 de xuño, e artigo 72 da Lei 13/2010, de 17 de decembro, do comercio interior de Galicia.

2. O seu outorgamento é discrecional e estará sometido á comprobación previa polo Concello do cumprimento polo peticionario dos requisitos legais en vigor para o exercicio do comercio así como do establecido pola regulación do produto para o que se autoriza a venda.

3. A autorización seralle outorgada á persoa física ou xurídica titular da actividade, sendo expedidas de forma nominativa para cada unha das súas persoas traballadoras, que cumpran cos requisitos do artigo 5.1 desta Ordenanza, e habilitará ao exercicio da venda ambulante ou non sedentaria ao seu titular.


4. Só se dará unha autorización a cada titular e para un só posto de venda.

Artigo 8. Procedemento.- 1. A autorización para o exercicio da actividade deberá ser solicitada polo interesado ou representante debidamente autorizado, en impreso normalizado, no prazo de convocatoria pública aberta polo Concello. A solicitude para a obtención dun posto deberá ser presentada no Rexistro Xeral do Concello, conforme ao modelo establecido no anexo deste regulamento, dende as 8:30 ás 14:30 horas durante os dez (10) días seguintes á publicación do anuncio. Tamén poderanse presentar proposicións por correo ou calquera outro medio que permita ter constancia fehaciente da súa entrega, caso no que o/a interesado/a deberá acreditar, co resgado correspondente, a data de imposición do envío na oficina de correos e anunciar o mesmo día ó Concello de Cambados, por Fax, Télex ou Telegrama, a remisión da solicitude; sen a concorrencia de ambos requisitos non será admitida a solicitude, no caso en que se recibise fora do prazo fixado no anuncio ao que se achegará a seguinte documentación:

A. Persoas físicas: fotocopia compulsada do DNI, pasaporte ou documento que o substitúa.

B. Persoas xurídicas: CIF, a acta de constitución, os estatutos e a escritura de poder outorgada á persoa que asina a solicitude de autorización en representación da empresa.

C. Declaración responsable xunto coa documentación que acredite o cumprimento dos mesmos, que comprenderá os seguintes extremos:



C.1.- O cumprimento dos requisitos establecidos, ás persoas xurídicas deberán acreditar os seguintes aspectos: CIF, acta de constitución, estatutos e escritura de poder outorgada á persoa que asine a solicitude de autorización en representación da empresa.

C.2.- Estar en posesión da documentación que así o acredite a partir do inicio da actividade, reunir as condicións esixidas pola normativa reguladora do produto ou produtos que sexan obxecto de venda e dispoñer en caso de comercializar produtos alimenticios, do certificado acreditativo de haber recibido formación en materia de manipulación de alimentos.

C.3.- Manter o seu cumprimento durante o prazo de vixencia da autorización e satisfacer ás taxas e/ou tributos fixados na ordenanza municipal correspondente.

C.4.- Estar dado de alta na epígrafe correspondente do imposto de actividades económicas e estar ao día no pagamento da tarifa ou, en caso de estar exento, estar dado de alta no censo de obrigados tributarios.

C.5.- Estar dado de alta no réxime correspondente da Seguridade Social e ao corrente non pagamento das cotizacions.

C.6.- Dispoñer dos permisos de residencia e de traballo que, en cada caso, sexan exixibles, de se tratar de persoas estranxeiras.

C.7.- Reunir as condicións esixidas pola normativa reguladora do producto ou produtos obxecto da venda ambulante ou non sedentaria, o titular da autorización de produtos de alimentación e herbodietética deberá adicionalmente cumplir os requisitos que impón a normativa sanitaria.

C.8.- Declaración expresa de que o solicitante coñece a normativa sectorial aplicable no termo municipal.

C.9. Dispoñer de seguro de responsabilidade civil, cunha cobertura mínima de 150.000 euros, para responder de posibles danos a persoas ou bens a resultas da actividade autorizada.

C.10.- Atoparse ao corrente no cumprimento do pago das Taxas Municipais.

2.- A tarxeta de persoa vendedora ambulante, expedida pola Administración autonómica, logo da inscrición voluntaria no Rexistro Galego de Comercio regulado no artigo 8 da Lei 13/2010, do 17 de decembro, do comercio interior de Galicia, servirá como acreditación dos extremos sinalados na liña 2 do artigo 73 da devandita Lei.

3.- No impreso normalizado, especificarase:

a) Para as persoas físicas: nome, apelidos e documento nacional de identidade do interesado e, no seu caso, da persoa que o represente, así como a identificación do domicilio que se sinale a efectos de notificacións.

b) Para as persoas xurídicas: nome, apelidos e documento nacional de identidade do representante legal, así como a identificación do domicilio que se sinale a efectos de notificacións, teléfono, fax e dirección de correo electrónico.

c) Para os cidadáns non comunitarios: nome, apelidos, documento nacional de identidade ou pasaporte e permiso de residencia e traballo que en cada caso sexan esixidos, así como a identificación do domicilio que se sinale a efectos de notificacións.

d) A identificación no seu caso da/s persoa/s con relación laboral ou familiar que vaian colaborar no desenvolvemento da actividade.

e) Modalidade de venda ambulante para a que solicita autorización, con descripción da actividade, oficio e/ou produtos obxecto de venda.

f) Dimensións, expresadas en m² e metros lineais do espazo de ocupación que pretende, indicando, para estes efectos, se a venda se pretende realizar en posto desmontable ou dende vehículo ou furgón.

g) A matrícula, marca, modelo e cor do vehículo que se utiliza para a venda.

h) Lugar e datas de exercicio da venda ambulante.

i) Lugar, data e firma do solicitante.



4.- En caso de que a solicitude ou documentación presentada non sexa correcta, concederase un prazo de dez días para a súa subsanación, de acordo co que establece o art.71 da Lei 30/1992, de 26 de novembro, de réxime xurídico das Administracións Públicas e do procedemento administrativo común.

5. O órgano competente para a concesión ou denegación da autorización é o Alcalde, previo informe do servizo municipal correspondente e logo de sorteo público nos termos do artigo 4.2 desta Ordenanza.

Artigo 9. Outorgamento da Autorización Municipal.

9.1- Rematado o prazo de presentación de solicitudes, e unha vez recibida a documentación completa procederá á concesión provisional da autorización. Os solicitantes, deberán presentar no prazo de 15 días hábiles dende a recepción da comunicación da concesión provisional da autorización, a seguinte documentación acompañados dos orixinais para o seu cotexo:

1.- Dúas fotografías actuais do solicitante tamaño carné.

2.- Xustificante do pago das taxas municipais polo exercicio da venda ambulante ou non sedentaria no dominio público municipal.

3.- Copia do seguro de responsabilidade civil con vixencia durante o período para o que se solicita a autorización municipal, que garante a cobertura de calquera clase de risco que a maquinaria, instalacións ou produtos, poida orixinar.

4.- A acreditación da circunstancia de estar dado de alta e ao día do pagamento do imposto de actividades económicas ou, se é o caso, no censo de obrigados tributarios, ou ben autorización ao Concello de Cambados para que verifique o seu cumprimento.

5.- O/a interesado/a na ocupación da vía pública para o exercicio corrente abonará a taxa en calidade de depósito previo pola totalidade do ano no momento da adjudicación. O que solicite a ocupación ou renovación para o exercicio seguinte dentro do prazo fixado deberá comunicar o sistema de pago elixido e no seu caso o número de conta na entidade financeira. A efectos de liquidación do prezo público e para o cálculo do mesmo teranse en conta os metros cadrados de cada posto. Poderán habilitarse os sistemas de pago que estime o Concello de Cambados, incluíndo solucións de pago a través de entidades bancarias e, en xeral, todos aqueles medios axeitados e que poidan facilitar a xestión municipal, incluíndo as novas tecnoloxías actuais ou futuras.

9.2- . De non se presentar a devandita documentación no prazo concedido, non terá validez a autorización provisional previamente recoñecida.

Artigo 10. Contido da Autorización.- O Concello de Cambados expedirá as autorizaciones en documento normalizado, no que se farán constar os seguintes datos:

- Nome e apelidos ou denominación social.

- Fotografía tamaño carné.

- Prazo de vixencia da Autorización.

- Modalidade de comercio ambulante autorizado.

- Dimensións e tipo de posto a instalar, e o seu emprazamento no perímetro feiral.

- Horarios e datas nas que se poderá levar a cabo.


~~- Produtos autorizados para a venda.~~

~~- Número de Rexistro Municipal outorgado ao titular da Autorización e Número de vendedor ambulante no rexistro da Xunta de Galicia.~~

~~- Condicións particulares ás que se suxeita a autorización da actividade, de ser o caso.~~

~~- Persoas autorizadas para a venda cun máximo de dúas xunto coa fotografía.~~

O documento orixinal e normalizado da Autorización deberá ser exhibido polo comerciante durante o exercicio da actividade, colocada en lugar perfectamente visible, para o público e para as autoridades que realicen actuacións inspectoras. As reclamacións dos clientes, en caso de haberlas, faranse no propio concello onde se lle facilitaran os datos da autorización dos comerciantes.



Artigo 11. Vixencia e renovación da Autorización.- 1. Atendendo a súa vixencia as autorizacións poden ser de dous tipos:

- a) As de carácter quinquenal.
- b) As de carácter diario ou eventual para ambulantes en ruta, ambulantes ocasionais e pequenos industriais ou artesáns.

2. As autorizacións do apartado

a) do punto anterior terán un prazo de duración de cinco anos. A autorización que se outorgue non dará lugar a un procedemento de renovación automática nin conllevará ningún outro tipo de vantaxe para o prestador cesante ou as persoas que están especialmente vinculadas a él. A concesión de autorizacións poderán renovarse expresamente previa solicitude dos titulares, presentada no período comprendido entre o 1 de Outubro o 31 de Outubro anterior a data de remate da autorización.

3. Aqueles interesados en exercer a actividade ocasionalmente durante días illados, deberán presentar a súa solicitude de acordo co establecido nesta Ordenanza, polo menos quince días antes de aquel no que se inicie a actividade.

Artigo 12. Extinción da Autorización Municipal.- 1. Sen prexuízo do disposto noutros preceptos desta Ordenanza, as autorizacións extínguense por:

- a) Transcurso do prazo polo que se outorgaron, sen solicitar a renovación ou sen pagar.
- b) Falta de pago das taxas municipais correspondentes, dentro do prazo establecido ao efecto.
- c) Renuncia expresa e escrita do titular.
- d) Causas de interese público sobrevidas, incluso antes da terminación do prazo polo que se outorgou a autorización.
- e) Falecemento do titular no caso de persoa física; ou extinción da persoa xurídica, salvo o establecido no art. 4.3 para as substitucións previa autorización municipal.
- f) Perda dalgún dos requisitos establecidos no seu outorgamento.
- g) Falta de pago das sancións municipais que se impuxesen.
- h) Cometer algunha das infraccións contidas nesta ordenanza, tipificadas como infracción grave, ou moi grave, ou reincidir na infracción.

2. Salvo nos supostos de extinción polo transcurso do prazo, que operará automaticamente, os expedientes de extinción poderán iniciarse de oficio ou a instancia de parte, correspondendo a súa resolución ao Sra. Alcaldesa. Todo expediente de extinción será sometido a información pública durante quince días mediante nota-anuncio que se publicará no taboleiro de edictos do Concello, e no mercado ou feira.

CAPÍTULO IV. REXISTRO MUNICIPAL DE VENDEDORES AMBULANTES

Artigo 14. Rexistro Municipal.- 1. Créase o Rexistro municipal de vendedores ambulantes, que será xestionado polos servizos municipais da Concellería de Economía, Facenda, Industria, Promoción Económica e Comercio e a inscrición nese será consecuencia inmediata da concesión da autorización municipal correspondente para o exercicio da actividade, ou ben no momento da súa transmisión, partindo dos datos contidos na declaración responsable.

2. A inscrición dos titulares de autorizacións municipais de venda ambulante vixente ao tempo de posta en funcionamento deste rexistro farase de oficio pola autoridade municipal, sen que sexa precisa a solicitude formalizada por aqueles; non obstante, estarán obrigados a comunicar e acreditar os datos que se lles requiran para a efectiva inscrición no Rexistro, sendo sancionados os incumplimentos non xustificados coa retirada da autorización municipal de venda ambulante.

3. Igualmente a inscrición no devandito rexistro de todo vendedor que cause nova alta na venda ambulante, farána de oficio os servizos municipais da Concellería de Economía, Facenda, Industria, Promoción Económica e Comercio.



4. Realizada a inscrición, expediráselle ao comerciante inscrito unha tarxeta ou documento acreditativo da autorización para o exercicio da venda ambulante ou non sedentaria, cunha vixencia igual á vixencia da autorización.

5. O contido da tarxeta ou documento acreditativo, deberá ser como mínimo, os datos esixidos no artigo 3.3 do Real decreto 199/2010, de 26 de febreiro, polo que se regula o exercicio da venta ambulante.

6. No suposto de que a persoa vendedora ambulante non opte voluntariamente pola inscrición na sección do Rexistro Galego de Comercio, será o concello que autorice o exercicio da venda ambulante o que comunique os datos para a correspondente inscrición.

CAPÍTULO V.- DEREITOS E OBRIGAS

Artigo 15. Dereitos dos titulares da autorización.- As persoas autorizadas para o exercicio da venda ambulante ou non sedentaria, segundo o establecido nos artigos anteriores da presente Ordenanza, terán dereito a exercela nos días e lugares autorizados, salvo que coa debida antelación no Concello lles comunique a súa imposibilidade por concorrer causas de interese público debidamente xustificadas. Sempre que sexa posible, o Concello habilitará outro lugar ou autorizará outras datas para que se desenvolva a actividade, ademais:

1.- A ocupar o posto de venda que ten autorizado.

2.- A exercer pública e pacíficamente, no horario e coas condicións establecidas, a actividade de venda autorizada.

3.- No caso de supresión do posto de mercado, o/a titular terá dereito preferente no novo emprazamento e a solicitar a ampliación da superficie asignada sempre que sexa posible na nova ubicación.

4.- A ser sustituídos na titularidade dos posto previa autorización do Concello e cumprindo os requisitos deste regulamento.

Artigo 16. Obrigas das persoas autorizadas .- A autorización municipal implica as seguintes obrigas ao seu titular:

a). En canto á venda:

1. Ter á vista a autorización formalizada polo Concello:

As persoas que exerzan o comercio ambulante deberán ter exposto en forma facilmente visible e lexible para o público os seus datos persoais e o documento no que conste a autorización municipal. O Concello proverá a cada comerciante vendedor ambulante dunha tarxeta de identificación que deberá ser mostrada en calquera momento que lle fora requirida por axente de policía ou autoridades. A tarxeta será confeccionada polo Concello e permitirá o almacenamento dos seguintes datos:

- Nome e apelidos ou denominación social.
- Fotografía tamaño carné.
- Prazo de vixencia da Autorización.
- Modalidade de comercio ambulante autorizado.
- Dimensións e tipo de posto a instalar, e o seu emprazamento no perímetro feiral.
- Horarios e datas nas que se poderá levar a cabo.

Produtos autorizados para a venda.

- Número de Rexistro Municipal outorgado ao titular da Autorización e Número de vendedor ambulante no rexistro da Xunta de Galicia.

- Condicións particulares ás que se suxeita a autorización da actividade, de ser o caso.
- Persoas autorizadas para a venda.

2. Respectar os horarios da feira ou mercado no que estea autorizado, áinda que esgote as mercadorías.

3. Ir á feira, mantendo o posto con actividade e instalarase no posto que teña asignado polo Concello, feito que comunicar ao Concello a ausencia temporal xustificada.

4. Realizar a venda de aqueles produtos para os que estea autorizado.



5. Cumprimento da normativa de protección ao consumidor e da que regula cada tipo de venda, a de prezos e etiquetado e cumplir con todasas disposicións que emanen deste Regulamento.

6. Conservar as facturas e albaráns de entrega da mercadoría posta á venda.

7. Ser respetuoso coa clientela e cos axentes da autoridade encargados do control e vixilancia da feira ou mercado e dos operarios municipais que realicen tarefas de limpeza das instalacións e atenderá os requerimientos do persoal municipal, policía municipal ou autoridades competentes.

8. Comunicar ao Rexistro Municipal de Vendedores Ambulantes calquera modificación nos datos da Autorización e comunicar ao Concello o cambio de enderezo para deste xeito facilitar a comunicación das incidencias.

9. Os/as vendedores/as ambulantes deberán cumplir no exercicio da súa actividade con toda a normativa vixente na materia do comercio e da disciplina do mercado, deberán observar as normas de competencia leal e usos mercantís, e responderán ante a administración competente en cada caso, de que os produtos obxecto de venda cumpren as condicións e requisitos esixidos pola normativa que os regula, tanto en materia sanitaria como no referente á súa presentación, etiquetaxe e demais que se establezan nelas. Non poderán ser en ningún caso obxecto de venda ambulante ou non sedentaria os bens ou os produtos cuxa propia normativa o prohíba e aqueloutros que, por razón da súa presentación ou outros motivos, non cumpran a normativa técnico-sanitaria e de seguranza. En todo caso, non se poderán vender alimentos ou produtos alimentarios non envasados por quien careza do certificado acreditativo de ter recibido formación en materia de manipulación deles.

10. No desenvolvemento da súa actividade o comerciante/a deberá observar o disposto na normativa vixente.

11. Os postos que expidan artigos no que sexa necesario o peso ou medida, deberán dispor dunha báscula ou metro regulamentario.

b). Con relación aos postos:

1. Non se poderá ocupar un espazo superior ao da superficie autorizada.

2. Deberán de conservarse os postos, así como a superficie ocupada en perfecto estado de limpeza. Para o exercicio do comercio ambulante será necesario o uso de instalacións desmontábeis ou transportábeis así como dende os vehículos, incluídos os vehículos-tenda. Os vendedores están obrigados a manter limpo e nas debidas condicións, durante toda a celebración do mercadillo o espazo que lles fora asignado. Os refugallos e embalaxes, debidamente atados serán depositados nos colectores correspondentes.

3. O espazo ocupado deberá de quedar, tras a retirada do posto, libre de lixos.

4. Prohibese o emprego de anclaxes ou elementos que danen o pavimento ou superficie sobre a que se coloquen os postos.

c). Criterios de revogación ou extinción da autorización:

As autorizacións outorgadas poderán ser revogadas unilateralmente polo Concello, sen dereito a indemnización ou compensación algúnya, nos seguintes supostos:

1. Por motivos de interese público debidamente xustificados ou cando desaparezan as circunstancias que motivaron o seu outorgamento.

2. Polo falseamento da documentación xustificativa do cumprimento dos requisitos esixidos na lei 13/2010 e no presente regulamento para o seu outorgamento.

3. Por incumprimento sobrevindo dos requisitos establecidos no presente regulamento así como na normativa aplicable ou por vulneración dos seus preceptos. En caso de que o/a titular fíxese pechado o posto durante oito días de mercados seguidos, ou doce alternos (estes últimos nun período de seis meses), producirase a caducidade da autorización, logo da correspondente notificación, salvo de causa de forza maior debidamente xustificada.

CAPÍTULO VI.- INSPECCIÓN.-



Artigo 17.- Inspección.- O Concello exercerá a intervención administrativa, as funcións de autoridade, policía e inspección en todos aqueles postos situados no mercado, sen prexuízo do labor inspector doutras administracións competentes nas materias relacionadas co mercado.

Os servizos municipais correspondentes velarán polo mantemento da orde pública e o cumprimento polos usuarios destas normas, e das que se diten no sucesivo na materia, sendo competencia municipal a inspección e sanción en materia de venda ambulante, sen prexuízo das competencias atribuídas a outras administracións en aplicación da normativa vixente. Os funcionarios dos servizos municipais que desenvolvan as funcións de inspección, ostentarán a condición de axentes da autoridade, previa acreditación da súa identidade. Os/as vendedores/as estarán obligados/as a facilitar a inspección das instalacións, subministrar toda clase de información, tanto verbal como documental sobre as mesmas, así como no relativo a produtos e servizos e, en xeral, a colaborar en cantas actuacións sexan precisas.

CAPITULO VII.- RÉXIME SANCIONADOR.

Artigo 18.- Infraccións.- 1. As infraccións e correspondentes sancións relatadas pola normativa referida nos artigos 102 e seguintes da Lei 13/2010, do 17 de decembro, do comercio interior de Galicia e no Real Decreto Lexislativo 1/2007, de 16 de novembro, polo que se aproba o texto refundido da Lei Xeral para a Defensa dos Consumidores e Usuarios e outras leis complementarias, tramitaranse e aplicaranse segundo os devanditos textos legais, así como nas normas que os desenvolven.

2. Constitúen infraccións á presente ordenanza as seguintes condutas, que se clasificarán en leves, graves e moi graves.

A) Serán infraccións leves:

- Producir ruídos, berros ou música que incumpran a Ordenanza municipal de ruídos e vibracións.
- A falta de ornato ou limpeza das instalacións e da súa zona circundante, e non depositar o lixo nos lugares asignados polo concello.
- Instalar o posto fóra do lugar sinalado, sempre e cando non prexudique a terceiro nin altere o normal desenvolvemento da feira ou mercado.
- Non respectar os horarios establecidos polo Concello para cada feira ou mercado.
- Aumentar a superficie do posto con máis metros dos autorizados, ou non gardar a distancia establecida entre postos.
- As simples inobservancia das disposicións establecidas na Lei 13/2010, que non teñan repercuśóns económicas nin prexuízo para as persoas consumidoras.
- En xeral, o incumprir as obrigas establecidas na Lei 13/2010, que non sexan obxecto de sancións específica.
- Non ter á vista a autorización Municipal de Venta Ambulante.

B) Serán infraccións graves:

- A reincidencia na comisión de infraccións leves.
- Practicar a venda fóra dos perímetros e/ou dos lugares autorizados ou con transgresión dos días e dos horarios establecidos.

Practicar a venda calquera persoa non autorizada ou comerciantes que incumpran os requisitos establecidos na Lei 13/2010, nos regulamentos ou nas ordenanzas reguladoras.

- Practicar a venda en lugares que non reúnan as condicións establecidas na Lei 13/2010, nos regulamentos ou nas ordenanzas reguladoras.
- Negarse ou resistirse a subministrar datos ou a facilitar a información requirida polas autoridades ou o seu funcionariado e axentes da Administración comercial no exercicio das súas funcións de comprobación e mais a subministración de información inexacta ou incompleta.




- Incumprir as disposicións administrativas relativas á prohibición de comercializar ou distribuír determinados produtos.
 - Exixir prezos superiores a aqueles que fosen obxecto de fixación administrativa.
 - Cursar información errónea ou claramente insuficiente cando esta se solicitase de conformidade coa normativa aplicable e teña carácter esencial, se xeren graves danos ou exista intencionalidade.
 - Falta de limpeza no posto durante o tempo da venda.
 - A venda de produtos distintos aos autorizados.
 - A venda de produtos en condicións deficientes ou deteriorados.
 - Ter sido sancionado por incumprimento da normativa relativa ao exercicio da actividade por outra Administración.
 - Falta da envoltura regulamentaria nos artigos alimenticios á venda.
 - Falta de aseo, limpeza e hixiene en vendedores, postos e ferramentas, e a non limpeza do lugar unha vez finalizada a actividade do mercado.
 - Non acreditar mediante factura a procedencia das mercadorías de ser requiridos.
 - Provocar alteracións de orde público, ou instar a terceiras persoas con ese mesmo fin.
 - O acceso ou estacionamento de vehículos dos vendedores nas zonas destinadas ao mercado, fora dos horarios establecidos ou permitidos.
 - Non pagar as taxas correspondentes.
 - A non comunicación ao Concello do cambio de domicilio.
 - Non acreditar as cotizacións ao Réxime da S. Social correspondente cando o Concello o demande.
 - Non ter recollido o posto antes dás 15:30 Horas.
- C) Serán infraccións moi graves:
- A reincidencia na comisión de infraccións graves.
 - Negarse ou resistirse a subministrar datos ou a facilitar a información requirida polas autoridades e os seus axentes no exercicio das súas funcións de inspección, cando se efectuar a través de violencia física ou verbal ou calquera outra forma de presión.
 - Cometeter infraccións en materia sanitaria e de consumo.
 - O exercicio da venda ambulante sen autorización, ou o exercicio da actividade por persoa distinta do titular ou persoa autorizada.
 - Cometeter as infraccións cualificadas como graves, sempre que supuxesen unha facturación, afectada pola infracción, superior a un millón de euros.

Entenderase por reincidencia a comisión, no período dun ano, de máis dunha infracción da mesma natureza, cando así fose declarado por resolución firme. Malia o anterior, para cualificar unha infracción como moi grave só se atenderá á reincidencia en infraccións graves, e a reincidencia en infraccións leves só determinará que unha infracción deste tipo sexa cualificada como grave cando se incorrese en máis de dúas infraccións de carácter leve, cando así fose declarado por resolución firme.

Artigo 19. Sancións.- As sancións que se aplicarán serán as que seguen:

- 1) Por faltas leves: peche do posto correspondente durante o seguinte día de mercado ou multa de ata 1.500 euros.
- 2) Por faltas graves: Peche do posto correspondente durante os seguintes catro días de mercado ou multa de 1.501 ata 50.000 euros.
- 3) Por faltas moi graves:
 - a) Peche do posto correspondente durante o seguinte ano natural de mercado ou multa de 50.001 ata 1.000.000 de euros.
 - b) E/ou revogación da autorización sen indemnización.

As sancións graduaranse en función dos seguintes criterios: reincidencia, transcendencia social da infracción, volume de facturación ao que afecte, contía do beneficio obtido, grado de intencionalidade e natureza dos prexuízos causados. Cando a autorización sexa revogada



a consecuencia de infraccións moi graves, o seu titular non poderá obter autorización ningunha durante o prazo de dous anos para o exercicio da actividade no municipio de Cambados, sen dereito a reserva do posto.A Alcaldía poderá acordar, como sanción accesoria, o decomiso das mercancías adulteradas, deterioradas, falsificadas, fraudulentas, non identificadas, que entrañan risco para o consumidor,ou que incumpran os requisitos mínimos establecidos para a súa comercialización; así como nos casos de venda de produtos non autorizados e nos casos legalmente establecidos. Os gastos de transporte, distribución, destrucción, etc., da mercancía sinalada no parágrafo anterior, serán por conta do infractor.

O exercicio de calquera actividade ou comercio na vía pública sen autorización municipal dará lugar á retirada das instalacións, elementos e xéneros neles situados e presumirase que tal autorización non existe de non se presenta-la correspondente autorización no momento de ser esixida polos axentes municipais.

Artigo 20. Procedemento.- Para a determinación das infraccións e a imposición das sancións previstas nesta ordenanza será de aplicación os artigos 114 e seguintes da Lei 13/2010, de 17 de decembro, do comercio interior de Galicia e o Real Decreto 1398/1993, de 4 de agosto, polo que se aproba o regulamento do procedemento para o exercicio da potestade sancionadora; a Lei 30/1992, de 26 de novembro, reguladora do Réxime Xurídico das Administracións Públicas e do Procedemento Administrativo Común, e demais normas concordantes.

CAPITULO VIII.- CONDICIÓNNS ESPECÍFICAS DE CADA MODALIDADE DE VENDA AMBULANTE OU NON SEDENTARIA

Artigo 21. Modalidades As feiras e mercados que se realizan no Concello de Cambados son:=

1. Mercado
2.- Festas populares e outros “mercadillos” ocasionais, Mercado das Flores de Defuntos ou Feiras de produtos tradicionais, artesanía, etc....

1 - “O Mercado”: Celébrase no Concello de Cambados como un xeito de desenvolvemento da comunidade, de dinamizar a produción da comarca e estimular o intercambio económico, mantendo esta forma de comercio tradicional.

UBICACIÓN:= Actualmente a zona destinada a actividade de venda ambulante é a comprendida nas inmediacións da Praza de Abastos, Paseo Marítimo dende o cruce da rúa do Muelle, ata o cruce da rúa Alameda e inmediacións.

O Concello poderá modificar o emprazamento do Mercado por causa de forza maior, de interese xeral ou municipal.

O Concello, por causa de interese xeral, e previo cumprimento dos requisitos establecidos na lexislación vixente, poderá modificar as prescricións desta Ordenanza dispoñendo o traslado dos postos de venda a outro ou outros lugares, a redución do número de postos de venda, e incluso a súa total supresión, sen que elo de lugar a indemnización algúnhha.

Por acordo previo e motivado de alteración dos lugares de venda ou do día da celebración do mercado, polas causas anteriormente citadas, adoptarase pola Xunta de Goberno Local . Os postos de venda instalaranse no espazo delimitado polo Concello, deixando libre os accesos a edificios de uso público, establecementos industriais ou comerciais, o espazo diante dos escaparates ou exposicións, e de xeito que non se dificulten tales accesos á circulación peonil.

Unha vez transcorrido o horario de montaxe dos postos, queda prohibida a permanencia ou entrada de calquera vehículo no recinto do mercado, salvo días de temporal ou forza maior. Esta prohibición non afecta aos vehículos-tenda ou aqueles outros vehículos que son necesarios para a realización da venda ambulante, que en todo caso, requiriran a autorización previa do Concello.

DATAS.= Os días de Mercado serán todos os mércores e sábados do ano, a excepción daqueles que por coincidiren con actos ou actividades de gran afluencia de persoas, o



Concello estime a conveniencia de que non se celebre o Mercado. Neste caso, a comunicación aos vendedores ambulantes farase cun mínimo de sete días de antelación. Con carácter xeral o mercado celebrarase os mércores e sábados de cada semana, anticipándose a súa celebración o día anterior cando o mércores ou sábado fora festivo ou o seu precedente si ese día tamén fose festivo.

HORARIO:= a) Descarga e instalación: 7:00 a 9:00 h. quedando prohibida a entrada fora do horario indicado, así como a instalación do posto baleiro por outro vendedor. Unha vez finalizada a operación de descarga de mercadorías non poderá permanecer no interior do recinto ningún vehículo a partir das 9:00 h, excepto os autorizados.

b) Actividade comercial: de 9:00 a 13:30 h. Nos meses de Xullo e Agosto, o horario de actividade comercial dos postos, prolongarase unha hora máis.

c) Carga e recollida dos postos: antes das 15:00h. Todos aqueles vendedores que non tiveran levantado o seu posto ás 15:30 h. serán denunciados pola Policía Local e os vehículos retirados pola grúa.

VENDEDORES:= Poderán exercer a venda ambulante todos os comerciantes que posúan a correspondente Autorización municipal, nas condicións nela recollidas.

POSTOS: .= - Dimensións máximas: 12 x 3m, ou a dimensión do vehículo autorizado.

- A estrutura debe ser metálica, facilmente desmontable e transportable, cunha cobertura de lona ou toldo impermeable de cores neutras.

- Debe ter unha tarima cunha altura mínima, a contar dende o chan, de 0,60m.

- Deben ter un receptáculo con tapadeira dentro do posto para verter os residuos xerados na actividade do comercio.

- Os postos teñen que estar en boas condicións de aseo e hixiene.

PRODUTOS:= Só poderán expoñerse e venderse produtos autorizados, tales como artigos textis, de pel, calzado, artesanía, cestería, ornato de pequeno volume, material navideño, cosmética, perfumería, bixutería, libros non de texto, aparatos de radio, cintas de música, de vídeo, plantas, sementes, xoguetería, árbores e outros análogos. Os agricultores poderán vender directamente os produtos do campo tales como verduras, legumes e froitas sen estar de alta no imposto de Actividades económicas, nin afiliación a Seguridade Social, previa manifestación de que tales produtos son sobrantes de consumo familiar propio(excedente de producción) que será comprobado (non permitíndose a venda de produtos fora de temporada). A administración municipal esixirá a alta no imposto de actividades económicas e afiliación a Seguridade Social cando os produtos do campo non proveñan dunha explotación agrícola destinada o consumo familiar, por considerarse o vendedor como un intermediario.

PRODUTOS PROHIBIDOS:= Non se podrá conceder autorización para a venda daqueles produtos cuxa normativa así o prohiba e aqueles outros que, en razón da súa presentación ou doutros motivos, non cumpran a normativa técnico-sanitaria e de seguridade, podendo ademais as autoridades sanitarias prohibir a venda de determinados produtos cando motivos de saúde pública o aconsellen. En todo caso, non se poderán vender alimentos ou produtos alimentarios non envasados por quien careza do certificado acreditativo de haber recibido formación en materia de manipulación dos mesmos. Queda expresamente prohibida a venda de material escolar e papelería en xeral, animais vivos, carnes, aves e caza fresca, refigerados e conxelados, leite, queixo e bolería, semiconservas, herbas medicinais, óptica e en xeral todo producto de alimentación salvo os recollidos no apartado anterior, así como calquera outras substancias de tal carácter e actividades sometidas ao procedemento de avaliación de incidencia ambiental de conformidade co previsto no Decreto 133/2008, do 12 de xuño, polo que se regula a avaliación da incidencia ambiental. Non obstante, en supostos excepcionais poderá autorizarse a venda dos

produtos a que se refire este artigo cando se dispoña de instalacións frigoríficas ou os produtos están debidamente envasados, reunindo as condicións de hixiene, sanidade,



calidade e seguridade alimentaria, estipuladas nas disposicións vixentes, ademais de contar co informe favorable da Delegación provincial da Consellería de Sanidade da Xunta de Galicia ou Organismo competente. Dado o carácter singular da venda ambulante de produtos alimenticios, ademais das condicións xerais que o presente regulamento establece para todos os postos de venda, aqueles nos que se expendan produtos alimenticios deberán reunir as condicións hixiénico-sanitarias e doutra índole que se establezan nas regulamentacións específicas dos produtos comercializados e instalacións.”

2.- Festas populares e outros “mercadillos” ocasionais, Mercado das Flores de Defuntos ou Feiras de produtos tradicionais, artesanía, etc.....= Este tipo de feiras ou mercadillos poderaos organizar o Concello de Cambados, de xeito periódico ou esporádico como unha maneira de fomentar o turismo do Concello, ou para lograr a revitalización comercial dun sector artesanal ou de interese para a comarca. No devandito acordo fixarase: A ubicación dos devanditos “mercadillos”. Días e horario de celebración dos mesmos. Produtos autorizados. Condicións específicas dos postos, se fosen esixibles As especialidades respecto do réxime xeral de outorgamento de autorizacións, tales como vixencia da mesma, prazo de solicitude, persoas recollidas na súa vixencia. Taxa municipal correspondente.


Disposición transitoria.- Os comerciantes ambulantes que veñen exercendo este tipo de venda no momento de entrada en vigor desta Ordenanza, e que reúnan os requisitos nela establecidos, conservarán o sitio no que se veñen instalando ou ben poderán escoller un posto vacante previo o sorteo de adxudicación, no caso de haber varios interesados nunha mesma ubicación sortearase a mesma entre os interesados, pero deben obter a preceptiva licenza municipal no prazo de un mes a contar dende a publicación da convocatoria no Boletín Oficial da Provincia. No caso de non obter a licenza no prazo indicado, non poderán exercer a venda ambulante.

Disposición adicional.- Para o non disposto nesta ordenanza, estarase ao establecido nas normas de carácter autonómico, estatal ou comunitario que resulten de aplicación.

Quedan excluídos do ámbito desta ordenanza a regulación dos postos autorizados na vía pública de carácter fixo e estable nos que se desenvolvan actividades comerciais de xeito habitual e permanente.

No caso de decomiso ou intervención cautelar de mercadorías, así como nos supostos de retirada e/ou intervención de instalacións, elementos e xéneros polos axentes da Policía Local, segundo o establecido no presente regulamento, procederase ao depósito dos mesmos no lugar que se determine. Os produtos intervidos deberán destruírse en caso de que a súa utilización ou consumo constitúa un perigo para a saúde pública, ou cando incumpran os requisitos mínimos establecidos para a súa comercialización. Os interesados poderán recupera-los elementos retirados, que non deban ser destruídos, no prazo de 15 días, previo abono do importe das taxas e demais gastos orixinados por tal retirada no importe fixado na correspondente ordenanza fiscal, sen prexuízo da sanción correspondente. Transcorrido o prazo anteriormente sinalado dende a súa intervención sen comparecer o titular para facerse cargo dos mesmos, entenderase que desiste no seu interés e titularidade podéndose proceder a súa destrución ou darlle outro destino que se considere, sen posibilidade de reclamación ou indemnización algúna.

Disposición final.- A presente Ordenanza unha vez aprobada polo Pleno do Concello, entrará en vigor unha vez publicada integramente no Boletín Oficial da Provincia de acordo co establecido no artigo 70.2 da Lei 7/1985, de 2 de abril, reguladora das bases de réxime local. Contra esta ordenanza poderá interpoñerse recurso contencioso administrativo ante a Sala do Contencioso-Administrativo do Tribunal Superior de Xustiza de Galicia, no prazo de dous meses, contados a partir do día seguinte ao da publicación no Boletín Oficial da Provincia.



Disposición derogatoria.- A partir da entrada en vigor do presente texto adaptado, quedan derogadas cantas resolucións e acordos municipais se oponen, contradigan ou resulten incompatibles co mesmo.”

3º.- APROBACIÓN INICIAL, SE PROCEDE, DO REGULAMENTO DA ACTIVIDADE DE FURANCHOS E LOUREIROS DO CONCELLO DE CAMBADOS.

CAMBADOS.- Dase conta do texto do Regulamento, dictaminado pola Comisión Informativa de Facenda e Patrimonio, o 25.11.2015, co voto favorable dos Concelleiros do Grupo de Goberno (Sres. Charlín Trigo, Cordal Rodríguez, Pérez Osorio e Prado Cores) e coa abstención do Grupo Municipal do P.P. (Sres. Aragunde Aragunde, Iglesias Pombo e Brea Troncoso).

Por parte do Concelleiro de Economía e Portavoz do Grupo de Goberno, Sr. Charlín Trigo, dase lectura á seguinte: “**Exposición de Motivos.**- A produción e a comercialización e venda do viño propio ocupou tradicionalmente un senlleiro espazo ao longo da historia do noso Concello. Historicamente faise referencia a través dos Foros do Mosteiro da Armenteira nos que se facía referencia a viño e viñas na comarca do Salnés e en concreto en Cambados, recóllese que un dos produtos que daquela máis beneficios económicos achegaban á nosa vila era o viño, así pódese consultar no Arquivo Histórico da Real Chancillería de Valladolid, un documento de 1562 sobre un ‘Pleito de Juan Conde, de Cambados (Pontevedra), contra Mayor García, de Vigo (Pontevedra) e Juan Carrera, de Vigo (Pontevedra) sobre pago a Juan Conde, mercader, de 629 ducados que Juan Suárez había cobrado por la venta de cierta cantidad de vino, de su propiedad y de la que no le había dado cuenta. La cual debían pagar Mayor García y Juan Carrera fiadores de Juan Suárez’. Cambados, estaba daquela circundada por unha paisaxe de hortas e viñas que producían un viño tanto blanco coma tinto, que era obrigado consumilo fresco ou do ano, por mor da súa baixa gradación e conservación non moi boa.= Xa chegados aos nosos días, e no que atinxo concretamente á venda dos excedentes do viño de colleita propia, o pasado 13 de novembro de 2012, a Consellería de Presidencia, Administracións Públicas e Xustiza, publicaba no Diario Oficial de Galicia o Decreto 215/2012, do 31 de outubro, polo que se regulan os furanchos da Comunidade Autónoma de Galicia. Coa súa publicación quedou, por tanto, derrogado o Decreto 116/2008, do 8 de maio, polo que se establece a ordenación dos establecementos de restauración denominados furanchos en Galicia, anterior marco normativo que regulaba a actividade de furanchos e loureiros tradicionais do rural galego, e que fora aprobado ao abeiro da anterior Lei 9/1997 , do 21 de agosto, de ordenación e promoción do turismo en Galicia.= Este novo marco normativo abre, polo tanto, a posibilidade de regular unha actividade, a de furanchos e loureiros, que representa unha forma tradicional de establecementos de venda de excedentes da colleita de viño elaborado para consumo propio en Galicia, e que o Decreto 116/2008, de 8 de maio, consideraba como auténticas empresas de restauración, o que desvirtuaba o seu carácter e esencia como parte da cultura gallega.= Así, a Lei 7/2011, de 27 de outubro, de turismo de Galicia, recollía xa nunha das súas disposicións transitorias, que a actividade dos furanchos, tería unha regulación propia, que finalmente se recolleu no Decreto 215/2012, de 31 de outubro, polo que se regulan os furanchos da Comunidade Autónoma de Galicia, dotando a estes dun réxime singular con características propias.= A regulación desta actividade, polo tanto, comporta a necesidade para o Concello de Cambados, de elaborar unha ordenanza reguladora que recolla e explicite as competencias municipais que o Decreto 215/2012 outorga aos concellos, no seu artigo 3, apartado 2, e xa que logo, procedeuse a elaborar a presente REGULAMENTO DA ACTIVIDADE DE FURANCHOS E LOUREIROS DO CONCELLO DE CAMBADOS, que se adapta aos principios de sostibilidade, boa regulación, e fomento da participación dos interesados, establecidos na Lei 2/2011, do 4 de Marzo, de economía sostible.= Polo tanto tratase dunha competencia da Xunta de Galicia do Partido Popular a existencia ou non deste tipo de establecementos tradicionais e no que os concellos só poden regular as competencias desta materia que se nos otorga no Decreto 215/2012, pola contra, en caso de non regulamentarse como viña sucedendo ata o de agora, o concello non dispón dun medio eficaz que sexa quen de regular e poder aplicar con coherencia este tipo de establecementos dentro do Concello de Cambados, o que supon que moitos destes establecementos abrirán un maior prazo de tempo do establecido na norma, ou non cumplirán cos requisitos establecidos dentro do Decreto 215/2012, o non existir un Rexistro Municipal de Furanchos que a vez serva de control destes Establecementos, polo tanto non se trata dunha norma que fomente os Furanchos en Cambados, todo o contrario, se non que establece un marco legal para a súa apertura, en lugar de permitir que este tipo de establecementos sigan funcionando no concello namentres se mira para outro lado coma se viña facendo ata o de agora.= Unha norma que obliga aos titulares dos Furanchos que presenten unha documentación, se cabe, moito mais esixente que para unha actividade de bar ou cafeteria, como é:= a) Fotocopia do NIF do/a



solicitante e, no seu caso, do/a representante.= b) De asinarse a declaración por medio de representante achegará, ademais, a acreditación da representación por calquera medio válido en dereito.= c) Documentación acreditativa da referencia catastral descriptiva da vivenda ou edificación na que se vai desenvolver a actividade.= d) Fotocopia compulsada do título ou contrato que acredite a disponibilidade do establecemento por parte do/a solicitante para a súa utilización como furancho.= e) Documentación acreditativa de ter declaradas ás viñas das que se extrae o viño utilizado no furancho do Rexistro Vitícola de Galicia, da consellería competente en materia de agricultura.= f) Documentación acreditativa de ter realizado as declaracions obligatorias do sector vitivinícola na consellería competente en materia de agricultura, agás as excepcions previstas de conformidade coa normativa vixente.= g) Fotocopia compulsada do documento que acredite a subscrición dunha póliza de responsabilidade civil, así como copia compulsada do correspondente recibo de pagamento da prima que acredite a súa vixencia no período anual de apertura.= h) Xustificante acreditativo do pagamento das taxas e tributos correspondentes que sexan preceptivos.= i) Documentación técnica ou proxecto técnico, asinada/o por facultativo/a competente, que incluirá xustificación e pronunciamento expreso do cumprimento da normativa técnica vixente en prevención e protección contra incendios (DBSi ou normativa de seguridade contra incendios que no futuro a substitúa incluíndo o cálculo do aforo máximum), da normativa sanitaria relativa á loita contra o tabaquismo.= j) Certificación de seguridade e solidez do local ou recinto e das súas instalacións para o uso pretendido, subscrita por técnico competente e, de ser preceptivo, debidamente visada.= k) Memoria descriptiva da cantidade de viño posto á venda, número de barris utilizados para almacenar o viño e capacidade dos mesmos así coma a variedade ou variedades de uva das que procede.= l) Carné de manipulador de alimentos.= Esta Ordenanza foi levada a debate e busouse o consenso da mesma na Mesa de Comercio Local deste Concello, onde participa a Asociación de Comerciantes Zona Centro de Cambados, na que están integrados preto de 20 empresarios de hostalería de Cambados, e foi presentada una vez que se aplicaron as modificacions precisas e accordadas na mesa de comercio aos distintos hostaleiros que participaron nunha posterior reunión, estando todos os participantes nesta reunión de acordo coa mesma e a necesidade de regular este tipo de actividades para evitar o intrusismo e a competencia desleal que pode provocar a falta de regulamentación nesta actividade.= Tratase dun regulamento municipal que a día de hoxe xa se implantou en concellos como Marín, Salceda de Caselas, Bueu, Vilaboa, Pontevedra, Cangas do Morrazo, Mos, Porriño, Redondela, Gondomar, Poio, Tomiño ou Meaño.= En definitiva, con esta norma non se pretende fomentar os establecementos de Furanchos neste concello, mais ben todo o contrario, regulase para que poidan existir os tradicionais "Loureiros", nos que a única diferenza radica en que os produtos alimentarios son levados pola clientela, polo que toda a referencia os furanchos hai que entendelas referidas tamén os "Loureiros", que non suponen un competidor directo dos negocios de hostalería como así no lo fixeron chegar tanto os representantes do sector, coma os propios hostaleiros, pero que a vez de permitir un marco legal para este tipo de actividades tradicionais cun forte arraigo na sociedade Cambadesa, sexa quen de loitar con outro tipo de establecementos que serven comidas e que abren durante todo o ano, coa escusa de que non existe unha norma local que os defina, e que si fan un forte dano o sector da hostalería de Cambados, e que con esta norma que levamos hoxe o pleno de Cambados estarán obrigados a adaptarse a normativa existente ou mudar e realizar unha actividade económica de hostalería cos cambios que isto conleva.= **ESTRUCTURA.**- O presente Regulamento Municipal estrutúrase en dous capítulos, e consta de vintetres artigos, dúas Disposiciones Adicionais, e unha Disposición Derradeira, ademais de catro anexos.= No Capítulo I, baixo o epígrafe "Disposiciones Xerais" delimitase o obxecto e o fin da presente ordenanza, o seu ámbito de aplicación e aquellas definicions de conceptos de aplicación xeral.= En canto ao Capítulo II, denominado "Requisitos, procedemento e réxime xurídico", determiníñase os requisitos, a xestión e a actividade administrativa de comprobación, a tempada de actividade furancheira 3 meses no período comprendido entre o 1 de Nadal e o 30 Xunio, o período, sinalización, condicions e horario de apertura do furancho de 12:00 da mañan a 12:00 da noite, as tapas permitidas, as causas de peche anticipado e a documentación da que consta o rexistro municipal de furanchos e loureiros de Cambados, establecéntense as obrigas do/s titular/es dos furanchos, a documentación que teñen que aportar na solicitude, a obrigatoriedade de constar cunha póliza de responsabilidade civil, como realizar os trocos de titularidade e as notificacións e comunicacións ó concello, a inspección e do réxime sancionador que regula as actividades de comprobación, control e inspección que se levaran a cabo polos servizos municipais, o réxime de infraccións e sancions, a concorrenza de sancions e a clasificación das infraccións e sancions.= A ordenanza remata coa presentación das Disposiciones Transitoria, Adicionais e finais, e os 4 anexos que acompañan."

O Portavoz do PP., Sr. Aragunde Aragunde, di que Cambados é un referente de turismo de calidade en Galicia e en España, contando con restaurantes e locais de hostelería de gran renome, de pode darse o caso de que algúns furanchos adaptados á nova ordenanza den traxa imaxe que vaia en detrimento da boa percepción que ten actualmente este servizo.= Da tamén que o Concello de Cambados non ten as mesmas características que, por exemplo, o Concello de Meaño, que é dos da comarca, o que conta con ordenanza de



furanchos, pero a realidade dun e doutro concello non é a mesma.= Que en Cambados todos los sectores, incluida a D.O. apostaron firmemente por un viño de calidad como é o albariño, e que, se ben non estiveron cos hosteleiros, e desconecen polo tanto cal é a súa opinión sobre este tema, constalle que o Concello ten ferramentas para controlar esas actividades áinda que non houbese ordenanza, pois existe lexislación autonómica ó respecto.= Remata dicindo que non van a ir en contra da lei, pero entenden que este regulamento pode dar pulo ós furanchos e van optar pola abstención, pois se ben en Cambados non hai moitos neste momento, consideran que a súa aprobación pode dar lugar á apertura de más.

O Portavoz do Grupo de Goberno, Sr. Charlín Trigo di que si foron avisados, áinda que reconoce que con pouco tempo por problemas de axenda, e que se ben o grupo popular non estivo na reunión cos hosteleiros, sí estiveron na Mesa Local de Comercio, na que se falou tamén deste tema; que en todo momento consultouse tanto cos hosteleiros como coa Asociación de Comerciantes e que o que se pretende non é ampliar o número senón regular esta práctica, e que abran dentro dos prazos establecidos nos que non se contempla a época estival.= Que en Cambados hai uns sete loureiros, especialmente na zona de Santo Tomé, que veñen funcionando dende hai anos e o que se quere é que cumpran coa normativa e que abran como teñan que abrir.= En relación coa referencia feita á Denominación de Orixé, coidan que non existe problema pois a maior parte dos furanchos traballan viño tinto e non albariño, ó que habería que engadir que o viño ten que ser de colleita propia sen facer actividade como tal.= Que a documentación que se debe incluír, segundo o regulamento, limitase á apertura do novo establecemento.= Que o que se pretende é que os loureiros e furanchos estean legais, e o regulamento é moi parecido á lei aprobada nesta lexislatura polo P.P., pois non modificaron nada.= Que oxalá o Concello tivera máis competencias para limitar esta actividade pero non as ten, remata dicindo que con isto o que se vai conseguir é que os loureiros e furanchos cumpran coa normativa autonómica, pois o que se plasma é o establecido no Decreto da Xunta.

O Concelleiro Sr. Aragunde Aragunde di que, en canto á reunión cos hosteleiros, non dubida da intención do grupo de goberno de invitalos, pero na convocatoria non se lle dixo nin día nin hora; e que posto en contacto con algún hosteleiro, non da directiva, non tiñan coñecemento da mesma áinda que sí coñecían do tema pola prensa e tamén de que se lles trasladaría unha copia.= Que o seu grupo está conforme coa creación dun regulamento, pero tamén é certo que cando non existe normativa a nivel local, o que se aplica é directamente a lexislación autonómica.= Di tamén que a trazabilidade non ten nada que ver co requisito de propias viñas e que o viño que se sirve nos loureiros e furanchos non pasa os controis sanitarios que pasan as adegas e que queda plasmado nas etiquetas e contraetiquetas das botellas.

Respondeselle por parte do Portavoz, Sr. Charlín Trigo que o tema da hixiene, requisitos dos locais, etc., veñen recollidos na propia ordenanza, onde se contempla a presentación dunha declaración responsable por parte dos interesados con indicación de que cumplen os requisitos, áinda que outra cousa é que os cumplan realmente co que elo pode conllevar, pero se non se establece regulamentariamente non se poderían aplicar, por exemplo, as sancións.= Di novamente que non está a favor do Decreto aprobado no seu día e que lle gustaría poder cambialo pero non é competencia municipal.


Rematadas as intervencións sométese o asunto a votación, acadándose o seguinte resultado:

- Votos a favor: nove (Sres.: Pérez Osorio, Martínez Piñeiro, Caamaño Rivas, Cacabelos Domínguez, Prado Cores, Cordal Rodríguez, Charlín Trigo, Abal Romero e Sra. Alcaldesa)
- Votos en contra: ningun.
- Abstencións: seis (Sres. Aragunde Aragunde, Varela Piñeiro, Brea Troncoso, Serantes González, Gómez Blanco e Iglesias Pombo).

A Corporación Municipal, por maioria, acorda:

1º Aprobar inicialmente do Regulamento da actividade de furanchos e loureiros do Concello de Cambados, de acordo co texto que se acompaña.

2º Que se someta a información pública e audiencia aos interesados, polo prazo de trinta días, mediante anuncios no Boletín Oficial da Provincia e no taboleiro da consistorial, que



de presentarse serán resoltas pola Corporación; e, de non presentarse, considerarase aprobada definitivamente sen necesidade de acordo expreso do Pleno, debendo publicarse o texto íntegro do Regulamento no B.O.P., para a súa entrada en vigor.

"REGULAMENTO DA ACTIVIDADE DE FURANCHOS E LOUREIROS DO CONCELLO DE CAMBADOS

O 13 de novembro de 2012, a Consellería de Presidencia, Administracións Públicas e Xustiza, publicaba no Diario Oficial de Galicia o Decreto 215/2012, do 31 de outubro, polo que se regulan os furanchos da Comunidade Autónoma de Galicia. Coa súa publicación quedou, por tanto, un novo marco normativo nesta materia no que establece dentro das competencias municipais a adaptación do réxime xeral regulador dos furanchos, por medio das correspondentes ordenanzas municipais, ás peculiaridades de cada zona dentro do correspondente termo municipal e a tal efecto establecese o presente regulamento.

CAPÍTULO PRIMEIRO: DISPOSICIÓN XERAIS.-


ARTIGO 1: OBXECTO DA PRESENTE ORDENANZA.- A presente ordenanza municipal ten por obxecto regular, dentro do termo municipal de Cambados, a actividade de furanchos ou loureiros, en desenvolvemento do disposto no Decreto 215/2012, do 31 de outubro, polo que se regulan os furanchos da Comunidade Autónoma de Galicia, na Lei 7/2011, do 27 de outubro, de turismo de Galicia así como na restante normativa que lle fose de aplicación, no correcto exercicio das competencias municipais que neste ámbito lle outorga o ordenamento xurídico vixente.

ARTIGO 2: DEFINICIÓN.- Aos efectos desta ordenanza municipal, considéranse "furanchos" os locais utilizados principalmente como venda privada, onde os/as propietarios/as venden o excedente do viño da colleita propia elaborado na casa para o su consumo particular, xunto coas tapas, que como produtos alimenticios preparados regularmente por eles/as, lle sirvan de acompañamento.= O réxime establecido na presente ordenanza para os furanchos será tamén de aplicación ós tradicionais "Loureiros", nos que a única diferença radica en que os produtos alimentarios son levados pola clientela, polo que toda a referencia os furanchos hai que entendelas referidas tamén os "Loureiros" e os tradicionalmente chamados "Abillados".

ARTIGO 3: ÁMBITO DE APLICACIÓN.- A presente ordenanza municipal regula a actividade das casas particulares ou dependencias vinculadas a elas que, de acordo coas súas características teñan a consideración de furanchos como figura tradicional na Comunidade Autonómica só se autorizará o desenvolvemento da actividade de furanco de conformidade co establecido nesta ordenanza e, única e exclusivamente, dentro das zonas rurais situadas nos ámbitos de solo clasificados como rural, urbano ou solo de núcleo rural deste termo municipal.

CAPÍTULO SEGUNDO: REQUISITOS, PROCEDEMENTO E RÉXIME XURÍDICO.-

ARTIGO 4: REQUISITOS PARA O DESENVOLVEMENTO DA ACTIVIDADE COMO FURANCHO.- Para poder desenvolver a actividade de furanco deberanse cumplir os seguintes requisitos:= a) O local onde se realice a actividade de furnacho deberá ter unha superficie mínima de 10 metros cadrados e como máximo de 150 metros cadrados.= b) As persoas titulares dos furanchos deberán ademais observar a normativa técnica vixente en prevención e protección contra incendios (DBSi ou normativa de seguridade contra incendios que no futuro a sustitúa) as disposicións recollidas na Lei 42/2010 de 30 de decembro pola que se modifica a Lei 28/2005 do 26 de decembro de medidas sanitarias fronte ó tabaquismo e reguladora da venda o subministro o consumo e a publicidade dos produtos do tabaco ou normativa vixente na materia, así como todas aquellas normativas técnicas que lles resulten legalmente aplicables.= c) Todo o viño que se suministre no furanco deberá ter a súa orixe en viñas emprazadas no termo municipal de Cambados e a súa comarca.= d) O viño subministrado non pode ser viño embotellado, senón que debe proceder directamente dos barrís que deberán estar debidamente numerados.= e) A degustación do viño poderá ser acompañada de catro tipos de tapas, relacionadas no anexo (Listado de tapas permitidas); e dunha quinta tapa a escoller de entre as que se numera (Listado de tapas a elixir), ou as que anualmente acorde o Concello, quedando prohibido outra clase de produtos alimenticios.= f) Antes do inicio da tempada anual de funcionamento e, cando menos unha vez ao ano, os/as furancheiros(as) acreditarán a realización das declaracíons obligatorias do sector vitivinícola ante o órgano correspondente da consellería competente en materia de agricultura. sen este requisito, agás concorrenza das excepcións previstas na normativa vitícola, o furanco non poderá comezar a tempada de funcionamento.= g) As persoas titulares dos furanchos deberán ter



regularizada a totalidade das súas viñas no Rexistro Vitícola de Galicia, de conformidade co Decreto 256/2011, do 7 de decembro, polo que se regula o potencial da producción agrícola, ou normativa posterior que o sustitúa ou desenvolva.= h) Os/as titulares da actividade observarán e cumplirán os requisitos sanitarios establecidos nos capítulos V a XII do anexo II do Regulamento (Ce) nº 852/2004 do Parlamento europeo e do Consello, do 29 de abril, no relativo á hixiene dos produtos alimenticios, sempre que se cumpra que a actividade que leva a cabo o establecemento se axusta ao indicado no capítulo III do referido anexo II. Do mesmo xeito, segundo a actividade desenvolvida, observaranse os requisitos establecidos no Real Decreto 3484/2000 de 29 de decembro, relativo ás normas de hixiene para a elaboración, distribución e comercio de comidas preparadas.

ARTIGO 5: TAXAS.- Os prezos de taxas no permiso de apertura serán os seguintes: * Ata 500 litros, 30 euros.= * Ata 1.000 litros, 60 euros.= * Ata 1.500 litros, 90 euros.= * Ata 2.000 litros, 120 euros.= * Ata 2.500 litros, 150 euros.

ARTIGO 6: DECLARACIÓNS RESPONSABLES PARA O DESENVOLVEMENTO DA ACTIVIDADE DE FURANCHO.- 1. Terán a condición de persoas interesadas para o exercicio da actividade os/as viticultores/as ou colleiteiros/as que acrediten a titularidade de viñas propias no Rexistro Vitícola de Galicia, emprazadas neste termo municipal ou na súa comarca.= 2. Para o exercicio da actividade, as persoas interesadas deberán achegar ao Concello, unha declaración responsable previa do cumprimento dos requisitos recollidos no artigo anterior, no decreto regulador da actividade de furancho e demais normativa aplicable, co compromiso do seu mantemento durante todo o tempo que se desenvolva a actividade de furancho e que se materializará, obrigatoriamente, no modelo oficial de declaración responsable que se incorpora no anexo I da presente ordenanza. No modelo normalizado constará, ademais da manifestación explícita do cumprimento dos requisitos esixibles consonte á normativa vixente, e o mantemento de tódalas medidas correctoras precisas para o correcto exercicio da actividade durante toda a tempada de funcionamento, a situación e denominación do furancho así coma a indicación do período de apertura elixido.= 3. A declaración responsable terá os efectos e alcance previstos no artigo 71 bis da Lei 30/1992, do réxime xurídico das administracións públicas e do procedemento administrativo común ou normativa vixente na materia así coma o pautado na presente ordenanza.= 4. O/a solicitante deberá achegar obrigatoriamente, xunto co modelo normalizado de declaración responsable do anexo I desta ordenanza a seguinte documentación:= a) Fotocopia do NIF do/a solicitante e, no seu caso, do/a representante.= b) De asinarse a declaración por medio de representante achegará, ademais, a acreditación da representación por calquera medio válido en dereito.= c) Documentación acreditativa da referencia catastral descriptiva da vivenda ou edificación na que se vai desenvolver a actividade.= d) Fotocopia compulsada do título ou contrato que acredite a dispoñibilidade do establecemento por parte do/a solicitante para a súa utilización como furancho.= e) Documentación acreditativa de ter declaradas as viñas das que se extrae o viño utilizado no furancho do Rexistro Vitícola de Galicia, da consellería competente en materia de agricultura.= f) Documentación acreditativa de ter realizado as declaracions obligatorias do sector vitivinícola na consellería competente en materia de agricultura, agás as excepcións previstas de conformidade coa normativa vixente.= g) Fotocopia compulsada do documento que acredite a subscrición dunha póliza de responsabilidade civil, así como copia compulsada do correspondente recibo de pagamento da prima que acredite a súa vixencia no período anual de apertura.= h) Xustificante acreditativo do pagamento das taxas e tributos correspondentes que sexan preceptivos.= i) Documentación técnica ou proxecto técnico, asinada/o por facultativo/a competente, que incluirá xustificación e pronunciamento expreso do cumprimento da normativa técnica vixente en prevención e protección contra incendios (DBsi ou normativa de seguridade contra incendios que no futuro a substitúa incluíndo o cálculo do aforo máximo), da normativa sanitaria relativa á loita contra o tabaquismo.= j) Certificación de seguridade e solidez do local ou recinto e das súas instalacións para o uso pretendido, subscrita por técnico competente e, de ser preceptivo, debidamente visada.= k) Memoria descriptiva da cantidade de viño posto á venda, número de barrís utilizados para almacenar o viño e capacidade dos mesmos así coma a variedade ou variedades de uva das que procede.= l) Carné de manipulador de alimentos.

ARTIGO 7: DA XESTIÓN E DA ACTIVIDADE ADMINISTRATIVA DE COMPROBACIÓN.- 1. A declaración responsable para a apertura dun furancho ou a comunicación de renovación, deberán achegarse, obrigatoriamente, nos correspondentes modelos




oficiais de declaración responsable ou comunicación que se inclúen nos anexos I ou II desta ordenanza, debidamente cumplimentados e con toda a documentación requerida no artigo 6 da presente ordenanza, e serán presentados no rexistro do Concello, en calquera dos rexistros ou por calquera medio válido consonte ao artigo 38 da Lei 30/1992, do 26 de novembro, do réxime xurídico das administracións públicas e do procedemento administrativo común.= 2. A persoa declarante ou o/a novo/a titular, nos supostos de troco de titularidade ademais da manifestación responsable da veracidade do declarado, están obrigados a posuír no furancho, a disposición do persoal técnico inspector municipal e da policía local, a documentación que se determina nos artigos 5 da presente ordenanza e facilitarán o acceso ao local e as instalacións ao devandito persoal municipal para as inspeccións, verificacións e comprobacións oportunas.= 3. A presentación da declaración responsable, co conseguinte efecto habilitante para o inicio da actividade a partir do mes seguinte á súa presentación, agás resolución de desconformidade ou requirimento de emenda de deficiencias, non prexulgará de xeito algúun a situación e efectivo acorriodo das condicións do establecemento á normativa aplicable, nin limitará o exercicio das competencias municipais de comprobación, control, inspección e sancionadoras. En ningún caso se entenderán adquiridas por silencio administrativo facultades ou autorizacións en contra da lexislación ou do planeamento urbanístico aplicable, e os efectos habilitantes para o inicio das actividades deixarán a salvo, sempre, o dereito de propiedade e entenderase que autorizan o desenvolvemento da actividade de furancho sen prexuízo de terceiros.= 4. A declaración responsable ou a comunicación do cambio de titularidade reguladas nesta ordenanza, tampouco eximirán da obtención das licenzas e autorizacións que esixxa calquera norma sectorial nin do deber de presentación doutras declaracións, comunicacións ou inscríções en rexistros que a devandita normativa impóna para o desenvolvemento da actividade de furancho, nin exonerarán aos/as furancheiros/as das obrigas de carácter tributario, fiscal, administrativo e de orde civil que se establecen no ordenamento xurídico vixente. en todo caso non poderán ser invocadas para diminuíren ou excluíren a responsabilidade civil ou penal en que puideran ter incorrido os titulares no exercicio das actividades habilitadas coa presentación da declaración responsable ou da comunicación. só producirán efectos entre o Concello e os suxeitos declarantes e non alterarán as situacións xurídicas entre estes e as demais persoas.

ARTIGO 8: DA TEMPADA DE ACTIVIDADE FURANCHEIRA.- 1. O Concello de Cambados, establece o comezo da tempada anual de funcionamento dos furanchos o 1 de decembro, e o seu remate o 30 de xuño de cada ano.= 2. Excepcionalmente, a persoa titular do furancho que queira modificar este período de apertura deberá solicitado ante o concello de forma motivada para cada ano de actividade, pero nunca poderá ser mais aló do 31 de xullo.

ARTIGO 9: DO PERÍODO, CONDICIÓNNS E HORARIO DE APERTURA DO FURANCHO.- 1. O período de apertura dos furanchos non poderá ser superior aos tres meses, abranguidos estes dentro do prazo establecido no artigo 8.1 da presente ordenanza.= 2. Os solicitantes deberán presentar, convenientemente cumplimentada, a declaración responsable previa ou comunicación de renovación e demás documentación esixida no artigo 5 da presente ordenanza, facendo constar obligatoriamente o período de funcionamento elixido para o seu furancho nas declaracións ou comunicacións que acheguen.= 3. Fora dese prazo a actividade de furancho reputarase como carente de título xurídico habilitante, dispoñéndose a súa clausura e cesamento inmediato e efectivo.= 4. Os furanchos poderán abrir as súas portas ao público para exercer a súa actividade no seguinte horario: 12:00 a 00:00 horas.= Nas noites que van de venres a sábado, de sábado a domingo, así como nas noites anteriores aos festivos, estes horarios amplíanse unha hora.

ARTIGO 10: DAS TAPAS PERMITIDAS.- As tapas que se poderán ofrecer para acompañar ao vino nos furanchos en Cambados, son as que figuran no anexo IV.

ARTIGO 11: OBRIGAS DAS PERSOAS TITULARES DOS FURANCHOS.- As persoas titulares dos furanchos deberán observar as obrigas recollidas no artigo 35 da Lei 7/2011, do 27 de outubro, de turismo de Galicia, na medida en que non sexan contrarias á singularidade destes locais e, en particular, as seguintes:= 1. Velar polo bo estado xeral das dependencias e polo mantemento das instalacións e servizos do furancho e garantir un trato correcto á clientela.= 2. Informar previamente con obxectividade e veracidade a clientela sobre o réxime de servizos que se ofertan no local, as condicións de prestación destes e o seu prezo e forma de pagamento.= 3. Ter a disposición das persoas usuarias follas de reclamacións e facer entrega dun exemplar cando lle



sexal solicitado.= 4. Emitir xustificante de pagamento que detalle os servizos, de conformidade cos prezos ofertados ou pactados.= 5. Os locais exhibirán nun lugar visible o ramallo de loureiro co que tradicionalmente se identifican os furanchos.= 6. Os /as titulares dos furanchos deberán ter contratada unha póliza de seguro de responsabilidade civil que cubra os danos corporais, materiais e os prexuízos económicos que deriven do desenvolvemento da súa actividade, de acordo co que se determine nas ordenanzas municipais.

ARTIGO 12: NOTIFICACIÓN DE CAMBIOS E COMUNICACIÓN DO PECHÉ DO ESTABLECIMENTO.- 1. As persoas titulares dos furanchos están obrigadas a comunicarle ao concello, mediante o modelo oficial que consta no anexo III, calquera cambio que afecte o seu funcionamento, xuntando a documentación xustificativa do cambio pretendido, así como o cesamento definitivo da súa actividade, no prazo de 10 días contados con anterioridade á data prevista para o peche. Pola súa banda, o concello notificará tales cambios ás consellerías ou órganos competentes en materia de turismo, medio rural, facenda e sanidade.= 2. Poderase decretar a baixa de oficio cando a Administración municipal teña constancia do cesamento da actividade por non se producir a apertura durante os períodos autorizados sen causa xustificada, ou cando o establecemento deixe de cumplir, de maneira grave e inxustificada, algún dos requisitos e condicións esixidos para o exercicio da súa actividade.

ARTIGO 13: DO REXISTRO MUNICIPAL DE FURANCHOS DE CAMBADOS.- 1. O Concello creará un “Rexistro Municipal de Furanchos e Loureiros de Cambados” para a inscrpción de oficio de todos os furanchos que cumpran os requisitos esixidos e desenvolvan a súa actividade dentro do termo municipal de Cambados, e para a recollida de toda a información esixida na presente ordenanza municipal.= 2. O Concello de Cambados dará traslado do seu contido aos órganos competentes en materia de turismo, facenda, medio rural e sanidade.= 3. Os datos mínimos do rexistro municipal de furanchos de Cambados, serán os establecidos no anexo III da presente ordenanza.

ARTIGO 14: TRANSMISIÓN.- O novo titular deberá comunicar a transmisión do furanco ao concello, que lles dará traslado ás consellerías ou órganos competentes en materia de turismo, medio rural, facenda e sanidade, para o que achegará a seguinte documentación:= a) Comunicación previa de cambio de titularidade segundo o modelo oficial que consta no anexo III.= b) Fotocopia compulsada da documentación acreditativa da dita transmisión ou, de ser o caso, da acreditación da disponibilidade do inmoble polo novo titular.= c) Póliza de seguro de responsabilidade civil, nos termos establecidos no artigo 6, a nome do novo titular.= d) Documento acreditativo do pagamento das taxas correspondentes.


ARTIGO 15: INSPECCIÓN, VIXIÁNCIA E CONTROL.- O Concello vixiará e garantirá o debido cumprimento polo titular destes establecementos do preceptuado neste regulamento e noutras normas que resulten de aplicación, sen prexuízo das facultades de inspección que lle poidan corresponder á Administración autonómica en función da materia, singularmente no que respecta á inspección turística.

ARTIGO 16: INFRACCIONES E SANCIÓN.- O incumprimento deste regulamento dará lugar á aplicación da normativa sancionadora vixente coas infraccións e sancións tipificadas na Lei de turismo de Galicia.

ARTIGO 17: INTRUSIÓN PROFESIONAL.- A realización ou a publicidade, por parte dos furanchos, da actividade propia das empresas de restauración reguladas na Lei 7/2011 do 27 de outubro, de turismo de Galicia, en contravención dos requisitos que lles son exixibles para o seu inicio, terán a consideración de intrusión profesional e sancionaranse administrativamente consonte o previsto na Lei de turismo.

ARTIGO 18: INFRACCIONES LEVES.- Considéranse infraccións administrativas de carácter leve as previstas no artigo 109 da Lei de turismo de Galicia e, en particular, as seguintes:= a) A modificación do período de apertura sen presentar unha nova solicitude ao concello.= b) A falta de comunicación ao concello nos supostos de transmisión e cambio da titularidade do furanco.= c) A falta de comunicación ao concello de calquera cambio que afecte o funcionamento do furanco, así como o cesamento da súa actividade, e a motivación dos ditos feitos.= d) Non mostrar o distintivo oficial na entrada do furanco.

ARTIGO 19: INFRACCIONES GRAVES.- Considéranse infraccións administrativas de carácter grave as previstas no artigo 110 da Lei de turismo de Galicia e, en particular, as seguintes:= a) A subministración de viño embotellado.= b) A non presentación da declaración responsable previa



ou da documentación exixida no artigo 6 deste regulamento.= c) A venda de viño non orixinado do excedente do consumo propio procedente exclusivamente das súas viñas.

ARTIGO 20: INFRACCIONES MOI GRAVES.- Considéranse infraccións administrativas de carácter moi graves as previstas no artigo 111 da Lei de turismo de Galicia.

ARTIGO 21: SANCIONES.- A comisión das infraccións tipificadas no presente regulamento será obxecto da correspondente sanción e graduación administrativa, de conformidade co establecido na Lei de turismo.

ARTIGO 22: PRESCRICIÓN.- As infraccións moi graves prescribirán aos tres anos, as graves aos dous, e as leves, ao ano.= As sancións impostas por faltas moi graves prescribirán aos tres anos, as impostas por faltas graves, aos dous anos, e as impostas por faltas leves ao ano.

ARTIGO 23: DOS SUXEITOS RESPONSABLES.- 1. Considéranse suxeitos responsables, na orde administrativa, das infraccións cometidas no seu funcionamento, ás persoas que figuren como titular/es dos furanchos.= 2. De seren varias as persoas titulares, aplicaranse os principios propios da potestade sancionadora e do dereito sancionador, con expresa responsabilidade solidaria ao respecto das medidas de restauración da legalidade e de indemnización de danos e perdidas que se diten.

DISPOSICIONES ADICIONAIS.- Disposición adicional primeira: Modelos normalizados.= 1. Os correspondentes modelos de declaración responsable e comunicación recollidos nos anexos I e II manteranse permanentemente publicados e actualizados na páxina web municipal:<http://www.cambados.gal>.= 2. O contido dos modelos dos anexos I e II que se incorporan a esta ordenanza, non teñen carácter regulamentario e o seu contido poderá ser adaptado, modificado ou ampliado por Resolución da Alcaldía ou órgano delegado, aínda que a súa obrigatoriedade queda supeditada a súa publicación na páxina web do Concello.

DISPOSICIÓN ADICIONAL SEGUNDA.- OBRIGAS TRIBUTARIAS.- As obrigas tributarias derivadas das actuacións que se autoricen polos procedementos aquí regulados rexeranse pola ordenanza fiscal correspondente.

DISPOSICIÓN DERRADEIRA.- A presente ordenanza entrará en vigor ao día seguinte da súa publicación íntegra no Boletín oficial da provincia, sempre que tivese transcorrido o prazo previsto no artigo 65.2 da lei 7/1985, de 2 de abril, reguladora das bases do réxime local.

ANEXO I.- MODELO DE DECLARACIÓN RESPONSABLE

Datos da persoa declarante:

Nome: Como titular: Apelidos:..... NIF/NIE:.....

Domicilio: Código postal: Provincia: Localidade:

teléfono: Fax: Correo electrónico:.....

Declaro, baixo a miña responsabilidade:= Que se cumplen os requisitos necesarios para o exercicio da actividade de furancho e que se manterán durante todo o tempo que esta dure.

Lexislación aplicable:= Decreto 2157/2012, do 31 de outubro, polo que se regulan os furanchos da Comunidade Autónoma de Galicia.

Protección de datos:= Todos estes datos están protexidos ó abeiro da Lei orgánica 15/1999 do 13 de decembro, de protección de datos de carácter persoal, especialmente o artigo 10 (o responsable do ficheiro e quen interveña en calquera fase do tratamento dos datos de carácter persoal están obrigados ao segredo profesional no que se refire aos datos e ao deber de os gardar, obrigas que subsistirán mesmo despois de finalizaren as súas relacións co titular do ficheiro ou, co seu responsable).

Sinatura: _____ Localidade e data:

ANEXO II COMUNICACIONES DE SOLICITUDES.-

Datos da persoa declarante:

Nome: Como titular: Apelidos:..... NIF/NIE:.....

Domicilio: Código postal: Provincia: Localidade:

Teléfono: Fax: Correo electrónico:

EXPÓN:

1. Solicitud de autorización:.....

2. Solicitud de cambio de titular:.....

3. Solicitud de denominación do furancho:.....



4. Solicitud de baixa: o furante cesa na súa actividade con data.....
5. Solicitud de renovación do Distintivo “Furanchos de Cambados” para o ano:.....
6. Outras:

Por todo o exposto, solicita que se teñan por realizadas estas accións.

Lexislación aplicable:= Decreto 215/2012, do 31 de outubro, polo que se regulan os furanchos da Comunidade Autónoma de Galicia.

Protección de datos:= Todos estes datos están protexidos ó abeiro da Lei orgánica 15/1999 do 13 de decembro, de protección de datos de carácter persoal, especialmente o artigo 10 (o responsable do ficheiro e quien interveña en calquera fase do tratamento dos datos de carácter persoal están obrigados ao segredo profesional no que se refire aos datos e ao deber de os gardar, obrigas que subsistirán mesmo despois de finalizaren as súas relacións co titular do ficheiro ou, no seu responsable).

Sinatura:= Localidade e data

ANEXO III.- DATOS DO REXISTRO MUNICIPAL DE FURANCHOS DO CONCELLO DE CAMBADOS.

Datos permanentes.= Nome do/a titular/es do furancho.= NIF/NIE do/a titular/es do furancho.= Denominación do furancho.= Domicilio do furancho.= Confirmación de que o establecemento cumple os requisitos esixidos nesta ordenanza.= Período de apertura do furancho.= Fotocopia compulsada do título ou contrato que acredite a disponibilidade do establecemento por parte do/a solicitante para a súa utilización como furancho.

DATOS RENOVADOS ANUALMENTE.- Declaración responsable.= Informe técnico-sanitario no que figure a análise do viño posto á venda.= Documento acreditativo de ter contratada unha póliza de seguro de responsabilidade civil de acordo co establecido na presente ordenanza.= Documento acreditativo de ter regularizada a totalidade da súa viña no Rexistro Vitícola de Galicia, de conformidade coa normativa vitícola vixente.= Memoria descriptiva da cantidade de viño posto a venda, numero de barrís utilizados para almacenar o viño e capacidade dos mesmos.= Documento acreditativo do pagamento das taxas correspondentes.

ANEXO IV.- LISTADO DE TAPAS PERMITIDAS.= 1.Orella – Chourizo.= 2.Tortilla.= 3.Zorza-Raxo.= 4.Empanada

TAPAS A ELIXIR.= Callos.= Costela.”

4º.- APROBACIÓN INICIAL, SE PROCEDE DA ORDENANZA FISCAL REGULADORA DA TAXA POLA REALIZACIÓN DE TAREFAS DE CONTROL, VERIFICACIÓN E TRAMITACIÓN DOS EXPEDIENTES DE APERTURA DE FURANCHOS E LOUREIROS DO CONCELLO DE CAMBADOS.- Dase conta do texto da Ordenanza, dictaminado pola Comisión Informativa de Facenda e Patrimonio, o 25.11.2015, co voto favorable dos Concelleiros do Grupo de Goberno (Sres. Charlín Trigo, Cordal Rodríguez, Pérez Osorio e Prado Cores) e coa abstención do Grupo Municipal do P.P. (Sres. Aragunde Aragunde, Iglesias Pombo e Brea Troncoso).

O Portavoz do Grupo de Goberno e Concelleiro de Economía e Facenda, Sr. Charlín Trigo, di que, como continuación ó punto anterior, recóllese neste apartado as taxas a aplicar polo indicado concepto (control, verificación e tramitación dos expedientes de apertura de furanchos e loureiros), seguindo as recomendacións da Intervención Municipal e de acordo co informe do Arquitecto Municipal.

Polo Portavoz do P.P., Sr. Aragunde Aragunde manifestase que o seu grupo vaise abster na votación.

Rematadas as intervencións, sométese o asunto a votación, acadándose o seguinte resultado:



- Votos a favor: nove (Sres. Pérez Osorio, Martínez Piñeiro, Caamaño Rivas, Cacabelos Domínguez, Prado Cores, Cordal Rodríguez, Charlín Trigo, Abal Romero e Sra. Alcaldesa)
- Votos en contra: ningun.
- Abstencións: seis (Sres. Aragunde Aragunde, Varela Piñeiro, Brea Troncoso, Serantes González, Gómez Blanco e Iglesias Pombo).

A Corporación Municipal, por maioría, acorda:

1º.- Aprobar inicialmente a Ordenanza Fiscal Reguladora da Taxa pola realización de tarefas de control, verificación e tramitación dos expedientes de apertura de furanchos e loureiros do Concello de Cambados, de acordo co texto que se acompaña.

2º.- Que se someta a información pública e audiencia aos interesados, polo prazo de trinta días, mediante anuncios no Boletín Oficial da Provincia e no taboleiro da consistorial, que de presentarse serán resoltas pola Corporación; e, de non presentarse, considerarase aprobada definitivamente sen necesidade de acordo expreso do Pleno, debendo publicarse o texto íntegro da Ordenanza no B.O.P., para a súa entrada en vigor.

“ORDENANZA FISCAL REGULADORA DA TAXA POLA AUTORIZACIÓN DE APERTURA DE FURANCHOS DO CONCELLO DE CAMBADOS”

Artigo 1º.- Natureza e fundamento.= No uso das facultades concedidas polos artigos 133.2 e 142 da Constitución e polo artigo 106 da Lei 7/ 1985, do 2 de abril, reguladora das Bases do Réxime Local, e en conformidade co disposto nos artigos 15 ó 19 do Real Decreto Lexislativo 2/2004 de 5 de marzo polo que se aproba o Texto Refundido da Lei Reguladora das Facendas Locais, este Concello establece a “Taxa pola autorización para apertura de Furanchos do Concello de Cambados”, que se rexerá pola presente Ordenanza fiscal, atendendo as súas normas ó previsto no artigo 58 da citada Lei 39/ 1988.

Artigo 2º.- Feito imponible.- 1. Constitúe o feito imponible da Taxa a actividade municipal, técnica e administrativa, tendente a verificar se se dan as condicións necesarias para autorizar a venda e consumo de viño nos furanchos do concello de Cambados.

Artigo 3º.- Suxeitos pasivos.- Son suxeitos pasivos contribuíntes os colleiteiros que pretendan vender lo viño en furanchos.

Artigo 4º.- Responsables.- 1. Responderán solidariamente das obrigacións tributarias do suxeito pasivo, as persoas físicas ou xurídicas ás que se refiren os artigos 38.1 e 39 da Lei Xeral Tributaria.= 2. Serán responsables subsidiarios os administradores das sociedades e os síndicos, interventores ou liquidadores de crebas, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5º.- Cota tributaria.- A Cota Tributaria modúlase en función do volume de viño á venda, segundo os seguintes tramos:= * Ata 500 litros, 30 euros.= * Ata 1.000 litros, 60 euros.= * Ata 1.500 litros, 90 euros.= * Ata 2.000 litros, 120 euros.= * Ata 2.500 litros, 150 euros.

Artigo 6º.- Exencións e bonificacións.- Non se concederá exención nin bonificación algúnhia na exacción da Taxa, agás as expresamente previstas en normas con rango de Lei e as derivadas da aplicación de tratados internacionais.

Artigo 7º.- Devengo.- Devengarase a Taxa e nace a obrigación de contribuír cando se inicie a actividade municipal que constitúa o seu feito imponible, entendéndose iniciada a mesma unha vez obtida a autorización.

Artigo 8º.- Infraccións e sancións.- 1. En todo o relativo a infraccións tributarias e a súa calificación, así coma ás sancións que ás mesmas correspondan en cada caso, aplicaranse as normas contidas na Lei Xeral Tributaria, e disposicións concordantes de aplicación.= 2. A imposición de sancións non suspenderá, en ningún caso, a liquidación e cobro das cotas devengadas non prescritas.

DISPOSICIÓN FINAL.- A presente Ordenanza fiscal, unha vez aprobada definitivamente, entrará en vigor ó día seguinte da súa publicación no Boletín Oficial da provincia.”



5º.- APROBACIÓN INICIAL SE PROCEDE, DA ORDENANZA REGULADORA DO SERVIZO DE TELEASISTENCIA DOMICILIARIA DO CONCELLO DE CAMBADOS.

- Dase conta do texto da Ordenanza, dictaminado pola Comisión Informativa de Facenda e Patrimonio, o 25.11.2015, co voto favorable dos Concelleiros Sres. Charlín Trigo, Cordal Rodríguez, Pérez Osorio, Prado Cores, Aragunde Aragunde, Iglesias Pombo e Brea Troncoso.

Polo Concelleiro-Delegado de Servizos Sociais, Sanidade e Terceira Idade, Sr. Cordal Rodríguez, manifestase que asinado o correspondente convenio coa Deputación Provincial de Pontevedra, para desenvolvemento do programa de Teleasistencia domiciliaria, faise necesario a redacción e aprobación da presente ordenanza, co obxectivo de perseguir e potenciar a transparencia, a eficacia e a eficiencia na súa prestación, indicando así mesmo que o máis significativo é que o Concello de Cambados asume o 66% do custe do servizo, segundo se establece o referido convenio co ente provincial, que asume o 34% restante, e se establece a gratuidade do coste do servizo para os usuarios deste Concello.

O Portavoz do P.P., Sr. Aragunde Aragunde di que o seu grupo apoiará este punto, ó igual que xa o fixo na Comisión Informativa, por considerar que é un servizo fundamental que viña funcionando ben.

Sometido o asunto a votación, acadouse o seguinte resultado:

- Votos a favor: quince (Sres.: Pérez Osorio, Martínez Piñeiro, Caamaño Rivas, Cacabelos Domínguez, Prado Cores, Cordal Rodríguez, Charlín Trigo, Abal Romero, Aragunde Aragunde, Varela Piñeiro, Brea Troncoso, Serantes González, Gómez Blanco, Iglesias Pombo e Sra. Alcaldesa)
- Votos en contra: ningun.
- Abstencións: ningunha.

A Corporación Municipal, por maioria, acorda:


1º.- Aprobar inicialmente a Ordenanza Reguladora do Servizo de Teleasistencia Domiciliaria do Concello de Cambados, de acordo co texto que se acompaña.

2º.- Que se someta a información pública e audiencia aos interesados, polo prazo de trinta días, mediante anuncios no Boletín Oficial da Provincia e no taboleiro da consistorial, que de presentarse serán resoltas pola Corporación; e, de non presentarse, considerarase aprobada definitivamente sen necesidade de acordo expreso do Pleno, debendo publicarse o texto íntegro da Ordenanza no B.O.P., para a súa entrada en vigor.

6º.- ADOPCIÓN, SE PROCEDE, DO ACORDO DE GOBIERNO PARA NSTAR AOS GOBIERNO DE ESPAÑA E DA XUNTA DE GALICIA A INCLUIR A VACINA CONTRA A MENIXITE-B NO CALENDARIO VACINAL.

Polo Concelleiro-Delegado de Sanidade e Servizos Sociais, Sr. Cordal Rodríguez, dase conta do texto de acordo proposto, dictaminado pola Comisión Informativa de Sanidade, Terceira Idade e Servizos Sociais, o 25.11.2015, co voto favorable dos Concelleiros do Grupo de Goberno (Sres. Charlín Trigo, Cordal Rodríguez, Pérez Osorio e Prado Cores) e do Grupo Municipal do P.P. (Sres. Aragunde Aragunde, Iglesias Pombo e Brea Troncoso), que é do seguinte tenor literal:

EXPOSICIÓN DE MOTIVOS.- A invención da primeira vacina, a da varíola, realizada por Edward Jenner aló polo ano 1796 supuxo un fito na loita contra a enfermidade. A partir dese momento, foron xurdindo vacinas para as enfermidades mortais ou con graves secuelas tales como tifo, tétanos, difteria,



tosferina, tuberculose, poliomelite, etc ..., o que proporcionou unha batería de ferramentas moi valiosas para poder loitar contra estas enfermidades e as súas devastadoras consecuencias. Estas novas armas á disposición dos médicos, deron como consecuencia unha importante diminución da mortalidade infantil e un aumento da esperanza e calidade de vida, pero só estaban disponíveis para un pequeno sector da poboación, aquel que tiña os recursos suficientes para sufragalo gasto económico destas vacinas.= Co transcorrer do tempo, en España iniciáronse campañas de vacinación que non foron de carácter obligatorio ate os anos 20 por mor dunha epidemia de varíola, despois desta etapa de campañas, nos anos 70 impleméntanse os calendarios vacinais, incidíndose na prevención temperá ao realizarla naqueles grupos de maior risco como son os nenos/as dende case o nacemento. En España, estas vacinacións sufragadas polo erario público, supuxeron un gran avance non só en saúde e diminución drástica da mortalidade infantil, senón en igualdade de oportunidades, posto que calquera familia tiña ao seu dispor, de xeito gratuito, a oportunidade de inmunización ou polo menos de minimizar los riscos e secuelas de moitas enfermidades.= A Constitución Española, no artigo 43, de protección da saúde, recoñécelles aos cidadáns españois, no seu punto primeiro, o dereito á protección da saúde e, no segundo, establece que compete aos poderes públicos organizar e tutelar a saúde pública a través de medidas preventivas e das prestacións e servizos necesarios.= O Convenio sobre os Dereitos do Neno, aprobado pola ONU e ratificado por España, establece, no artigo 6, que os Estados asinantes recoñecen que tódolos nenos teñen dereito intrínseco á vida e garantirán na máxima medida posible a supervivencia e o desenvolvemento do neno.= Existe dende fai meses un colectivo denominado "**Plataforma de Cidadáns pola Saúde - Vacina XA**", que se mobiliza para recordarles aos poderes públicos os deberes de protección que teñen coa cidadanía e, en especial, na protección da saúde e na prevención da enfermidade, e esixen destes poderes que introduzan a vacina contra a meninxite B de xeito universal e gratuito para tódolos cidadáns, tendo en conta que neste ano xa morreron dous veciños de Arteixo e outro en Boiro. Nesta plataforma son conscientes de que o eido municipal apenas ten competencias a nivel sanitario e que a Xunta de Galicia non é quen de modificar unilateralmente o calendario vacinal, pero recórdannos que os Grupos Municipais dos concellos están formados por veciños e veciñas, que son os representantes políticos da administración más próxima á cidadanía, por iso nos piden que sexamos os valedores da súa causa ante os Gobernos da Xunta de Galicia e o Goberno de España, propoñendo, para aprobar polo pleno municipal, o seguinte **ACORDO**:= * Instar ao Goberno de España para que curse orde ao Ministerio de Sanidade para que a vacina da Meninxite B, sexa incluída de xeito inmediato no calendario vacinal.= * Instar á Xunta de Galicia para que, no caso de que o Ministerio de Sanidade non acepte a inclusión inmediata da vacina contra a Meninxite B, instaure unha nova experiencia piloto coa implantación da vacina da Meninxite B. ”

O Portavoz do P.P. Sr. Aragunde di que dende fai meses, os partidos da oposición pediron no Parlamento galego venta libre nas farmacias, e conseguiuse; e en abril acordouse a súa inclusión no calendario de vacinación.= Isto xa está aprobado no Parlamento galego, e nalgúns países está autorizada pero noutrós non; incluso algúns países non lla permiten poñer a menores de dez anos, e parece que non hai moito consenso con este tema entre os profesionais da materia.= Que o seu grupo está de acordo en apoiar a moción se ata aquí non se dispensou foi porque non todos os colexios profesionais estaban de acordo.= Que hai un protocolo de vacinación que terá que tramitarse polo que tardará en incorporarse ao calendario correspondente.



Contéstaselle polo Sr. Cordal Rodríguez que son conscientes de que non hai consenso sobre poñela ou non, e cabe a razón de que é mellor poñela que non.

Rematadas as intervencións sométese o asunto a votación, acadándose o seguinte resultado:

- Votos a favor: quince (Sres.: Pérez Osorio, Martínez Piñeiro, Caamaño Rivas, Cacabelos Domínguez, Prado Cores, Cordal Rodríguez, Charlín Trigo, Abal Romero, Aragunde Aragunde, Varela Piñeiro, Brea Troncoso, Serantes González, Gómez Blanco, Iglesias Pombo e Sra. Alcaldesa)
- Votos en contra: ningun.
- Abstencións: ningunha.

A Corporación Municipal, por maioría, acorda:

1º.- Instar ao Goberno de España para que curse orde ao Ministerio de Anidade para que a vacina da Meninxite G, sexa incluida de xeito inmediato no calendario vacinal; e,

2º.- Instar á Xunta de Galicia para que, no caso de que o Ministerio de Sanidade non acepte a inclusión inmediata da vacina contra a Meninxite B, instaure unha nova experiencia piloto coa implantación da vacina da Meninxite B.

7º.- ADOPCIÓN, SE PROCEDE, DO ACORDO DE GOBERNO PARA APOIAR AS RECLAMACIÓN TRASLADADAS POR PARTE DA ASAMBLEA DO CERCO, RELATIVAS A REXEITAR O PREACORDO DE REPARTO DE COTAS DE XURELO E XARDA.- 8º.- MOCIÓN DO PARTIDO POPULAR PARA PROMOCIÓN DA COMPETITIVIDADE E VIABILIDADE DA FLOTA GALEGA DO CERCO.


- A Sra. Alcaldesa propón que, por tratarse de dous asuntos incluidos na orde do día relacionados co mesmo tema, se proceda ó seu debate conxunto.

Dase conta dase conta da proposta de acordo, que foi dictaminada pola Comisión Informativa de Mar, Medio Ambiente e Medio Rural, o 25.11.2015, co voto favorable dos Concelleiros do Grupo de Goberno (Sres. Charlín Trigo, Cordal Rodríguez, Pérez Osorio e Prado Cores) e coa abstención do Grupo Municipal do P.P. (Sres. Aragunde Aragunde, Iglesias Pombo e Brea Troncoso), que é do seguinte tenor literal:= “**EXPOSICIÓN DE MOTIVOS.**= Máis unha vez, a Unión Europea, a través do Consello de Ministros de Pesca -sempre co entusiasta voto favorábel do Goberno español e a convivencia da Xunta de Galiza- volvía fixar uns Topes Autorizados de Captura (TAC) claramente discriminatorios para a flota pesqueira galega. Esta decisión, non fundamentada científicamente, pretende primar os intereses económicos e comerciais doutros estados fronte ás necesidades do sector pesqueiro galego, claramente prexudicado en todo este proceso. Trátase de regras de xogo da UE incompatibles coa existencia e o futuro do noso país en materia pesqueira.= O problema non é que non haxa peixe no noso litoral: haino, e ben abundante. O conflito xorde cando se lles impide pescar aos galegos e si se lles permite a outras flotas. É, en definitiva, un problema político, que precisa de solucións políticas.= Nese contexto, en decembro do ano 2013, os representantes da Xunta de Galiza xunto cos representantes do sector pesqueiro galego negociaban en Madrid o reparto de cotas no Cantábrico noroeste; entre elas, estaban especies estratégicas para a flota do cerco e de artes menores como a xarda e o xurelo.= No reparto que establece a UE do TAC da xarda, correspondenlle ao Estado español 29.019 toneladas para o 2014, das cales hai que descontarlle unhas 7.000 toneladas que é a sanción que esta lle impón a toda a flota por se exceder nas capturas asignadas nos anos 2009 e 2010. = No caso do xurelo correspondeulle ao Estado español un total de 16.592 toneladas, o que supón un 26% menos das que se recibiron o ano pasado de 22.409 toneladas (“marabillosa negociación”, por certo, para o Goberno galego e o ministro Arias Cañete, pois -afirmaban- é mellor reducir un 26% que un 40%), mentres que aos vascos se lles manteñen as capturas na zona



Ciem VIIIb (Golfo de Bizkaia) e son compensados coa subida do verdel (estornino ou xarda veteada), un 30%, saíndo, máis unha vez, claramente beneficiados.= Na negociación do reparto por parte do Estado español xulgábase que a intención era eliminar o modelo dos últimos anos, que obrigaba a terse que desprazar a frota galega a Cantabria ou ao País Vasco se querían pescar algo, pois en poucos días, esgotábase a cota. Cómpre trocar este modelo discriminatorio por outro más acorde coa realidade galega, que lle permita á embarcación ter dereito a un total de capturas e poder pescalo cando e onde o considerar.= Na negociación que se levou a cabo impúxose o modelo vasco, que contou coa colaboración do Goberno español e a inhibición do Goberno galego; isto é, que as capturas históricas tivesen o maior peso posibel no reparto, comezando nun 90-10 e admitindo un preacordo onde as capturas históricas lle correspondía o 70%, e outros factores, como número de tripulantes, GT's, etc., unicamente alcanzaban o 30%.= Con este reparto a frota galega, que ten 154 barcos de cerco, correspondelle o 24,5% das cotas de xarda, mentres que a vasca, con 53 embarcacións, consegue un 50% do total das capturas. Este criterio de reparto realizouse interesadamente a partir das capturas históricas, computándose nestas as realizadas entre os anos 2002 e o 2011. Nestes anos a pesca en Galiza estivo regulada mediante topes, non así o doutras comunidades costeiras e coincidindo ademais cos anos onde houbo un exceso de capturas (2009 e 2010), con sanción da UE. Para alén disto, o modelo destes últimos anos xa viña prexudicando gravemente a flota galega, dado que o reparto era global e cando a xarda chegaba ás nosas augas, a cota estaba esgotada impedíndosenos pescala.= A maiores temos que lembrar que historicamente a flota vasca non pescaba esta especie. Comezou a pescala a raíz de se ter esgotado a pescaría do bocareu. No actual preacordo de reparto en función das últimas capturas históricas non se prima a quen tivo regulada asúa actividade, nin a quen pescou menos, nin a quen non se excedeou das capturas: primase a quen se incorporou tardivamente a esta pescaría, a quen non a tivo regulada e, sobre todo, reconóceselle como captura histórica a quen pescou de máis.= O Estado español é cómplice, mentres o Goberno galego cala, admitindo uns criterios discriminatorios, ao igual que a Unión Europea, esquecéndose dos argumentos de boa xestión pesqueira, e permitindo uns criterios más políticos que sociais, abocando a flota galega á miseria.= Unha vez que o sector foi consciente do prexuízo que se está a causar con este preacordo, decidiu amarrar a flota e tomar medidas para impedir esta negociación discriminatoria, pois entende que con este modelo o sector non ten futuro. A única saída a esta situación é que o Goberno español anule este preacordo e que se inicie unha nova negociación onde os criterios sexan obxectivos, isto é: debe existir un reparto lineal proporcional ao número de embarcacións, onde se prime o número de tripulantes e os criterios de responsabilidade.= Por iso, o BNG solicita do Pleno da Corporación Municipal, a adopción do seguinte ACORDO: 1.- Manifestar o apoio deste concello a flota do cerco e de artes menores que reclaman un reparto xusto das cotas da xarda e do xurelo.= 2.- Reclamar o cambio profundo da Política Común de Pesca da UE, e a derogación do Príncipio de Estabilidade Relativa, que consagra a discriminación estrutural da frota pesqueira galega.= 3.- Reivindicar o exercicio pleno das competencias galegas sobre as nosas augas, eliminando as cotas de pesca fixadas desde Bruxelas no noso propio litoral.= 4.- Trasladar este acordo ao presidente da Xunta de Galiza, ao presidente do Goberno español, aos grupos parlamentares do Parlamento de Galiza e do Congreso dos Deputados, e deputadas e deputados galegos no Parlamento europeo.”

Dáse conta tamén da moción presentada polo Partido Popular, que é do seguinte tenor literal: “EXPOSICIÓN DE MOTIVOS.= O Goberno galego, co seu presidente e a conselleira do Mar á cabeza, vén traballando co obxectivo de garantir a viabilidade e futuro da flota do cerco, impulsando iniciativas e acordos que contribúan ao mantemento estable da súa actividade e dos empregos a ela asociados.= Así, foi posible mudar o modelo de



xestión que existía con anterioridade, cando gobernaba o PSOE, baseado na pesca olímpica e sen apenas control e que deu como resultado importantes sancións por sobrepesca.= O obxectivo final é garantir o máximo tempo posible a operatividade da flota galega do cerco ao longo do ano e facelo, acadando os mellores prezos no mercado e, polo tanto, máis valor para as súas capturas, de xeito complementario ao incremento do número de descargas e facturación rexistrada nos dous últimos anos nos portos galegos.= Con todo, unha parte do sector, mantén a necesidade dun cambio no sistema de reparto actual das posibilidades de pesca no caladoiro Cantábrico Noroeste.= Sen pechar as portas a esa posibilidade, tal e como anunciou a conselleira Rosa Quintana en múltiples ocasións, si merece un estudo rigoroso para evitar cometer un erro e apostar por modificacións que consoliden un modelo en que poderían gañar algúns pero acaba perdendo o conxunto do cerco galego.= Por tanto, dada esta situación do sector do cerco, tan importante na economía deste municipio, propoño ao Pleno do Concello de Cambados a aprobación dos seguintes ACORDOS:= Primeiro.- Instar á Secretaría General de Pesca e á Xunta de Galicia a recoller as demandas do cerco galego e continuar a defender un modelo de dereitos de pesca que garanta a supervivencia da actividade e o mantemento do emprego, establecendo un reparto que teña en conta maioritariamente aqueles criterios que favorezan a nosa frota.= Segundo.- Desenvolver, por parte da Consellería do Mar e co gallo de buscar os criterios máis acaídós aos intereses da nosa flota, un estudo que determine os criterios a empregar para acadar máis posibilidades de pesca.”

O Portavoz do P.P. di que non están de acordo co punto 3º do acordo de governo proposto, toda vez que facer isto sería peligrosísimo pois non se pode pretender que a U.E. lle permita a Galicia autorregularse, e que non debe esquecerse que se está a falar de especies migratorias, e por eso mesmo teñen que estar reguladas pola U.E. e non autorregularse en cada zona.= Que hai que ter en conta tamén que a nosa flota galega do cerco vive fundamentalmente do xurel, e somos os que máis temos, e que a sardiña e o bocarte son os que máis falla e hai anos que nin sequera aparecen.= Que están totalmente de acordo con apoiar ó sector do cerco, pero non isto.= Di tamén que non todas as especies están discriminadas:= que o 90% do que se vende nas nosas lonxas é xurel e que a maior cuota témtola nós, e haberá que ter coidado pois poden darnos máis xarda pero tamén quitarnos xurel, e isto é o que din tamén moitos patróns, e que en todo caso sí que hai que intentar traer máis cota para Galicia.= Que incluso o Presidente de ACERGA felicitou á Conselleira de Mar polo xurel, e non debe esquecerse que estar na U.E. implica que unhas veces danos máis e outras menos, e que fomos grandes receptores de subvencións para mellorar a flota.= Que se fala de control e das sancións cando as maiores sancións se lle impuxeron polo goberno central no ano 2011 (goberno do PSOE).= que agora se están pagando sancións anteriores, e coida que o que hai que facer é xuntar ó sector e que sexan eles os que nos digan os criterios a seguir e levalos a cabo.= Que coida que tamén temos unha asignatura pendente que é optimizar os recursos (menos peixe e máis valor en cartos), pero claro que hai que apoiar ó sector e o mellor que se pode facer é apoiar toda a corporación xunta ó sector do cerco.

Pola Conselleira do Grupo de Goberno, Sra. Cacabelos Domínguez di que o que hai que conseguir é máis cuota e que o que hai que apoiar é o cerco, de ahí que se pida que algúns sexan regulados pola Consellería.

Rematadas as intervencións e tendo en conta que xa en Comisión Informativa se comentou a existencia dunha proposta consensuada por tódolos grupos que integran a Deputación Provincial, se propón adoptar acordo nese mesmo sentido, engadindo un punto 5º no que se recolla que a pesca do xeito e da sardiña, e a do xeito accidental, sexan excluidos dos

Sometida esta proposta a votación acadouse o seguinte resultado:



- Votos a favor: quince (Sres.: Pérez Osorio, Martínez Piñeiro, Caamaño Rivas, Cacabelos Domínguez, Prado Cores, Cordal Rodríguez, Charlín Trigo, Abal Romero, Aragunde Aragunde, Varela Piñeiro, Brea Troncoso, Serantes González, Gómez Blanco, Iglesias Pombo e Sra. Alcaldesa)
- Votos en contra: ningun.
- Abstencións: ningunha.

A Corporación Municipal, por maioría, acorda:

1º.- Manifestar o apoio do Concello de Cambados á flota do cerco e artesanal nas súas reclamacións de reparto xusto das cotas de captura das distintas especies sometidas a TACs.

2º.- Instar ao Goberno da Xunta para que reclame un cambio de modelo na xestión e no reparto das posibilidades de pesca das especies peláxicas que afecta á flota do cerco galega e a de artes menores, solicitando un reparto lineal e xuto baseado en criterios socioeconómicos (nú.m. tripulantes, ...) que permitan aos barcos da comunidade galega acceder ao recurso en igualdade de condicións.

3º.- Instar ao Goberno da Xunta a que defendase aos profesionais do mar ante as decisións do Goberno central de ordenar actuacións inspectoras desproporcionadas.

4º.- Trasladar este acordo ao Presidente da Xunta de Galicia, ao Presidente do Goberno de España e ao Presidente do Parlamento Europeo; e,

5º.- Interesar ao mesmo tempo de tódolos órganos indicados, que a pesca do xeito e da sardiña, e a do xeito accidental, sexan excluidos dos TACs.

9.- DAR CONTA DAS RESOLUCIÓNNS DICTADAS POLA ALCALDÍA.- Fáise constar que xa se lle entregou a cada Portavoz dos Grupos Políticos, senllas fotocopias das resoluciónns dictadas pola Alcaldía dende a última sesión ordinaria, xunto coa restante documentación dos asuntos incluídos na orde do día do Pleno, dándose a Corporación Municipal por enterada.

10º.- CONTESTACIÓN A PREGUNTAS FORMULADAS.- Pola Sra. Alcaldesa participase que téndose presentadas as preguntas no día de hoxe serán contestadas no vindeiro pleno.

11º.- ROGOS E PREGUNTAS.- O Portavoz do P.P., Sr. Aragunde Aragunde pide que se coloque iluminación no paso de peóns dito na Avda. de Vilaríño/Cruceiro á altura do supermercado Mercadona, e que se invite aos membros da oposición aos actos municipais, contestándoselle a esto último pola Sra. Alcaldesa, que se colgan na web e serven de invitación tanto para os membros da Corporación como para todos os cambadeses e cambadesas que desexen asistir.

E non tendo máis asuntos que tratar, douse por rematada a sesión sendo ás vintedúas horas e trinta minutos, de todo canto eu como secretario certífico, de orde e co visto e prace da Sra. Alcaldesa, coas reservas do art. 206 do ROF, debendo remitirse copias en cumprimento do art. 56 da Lei 7/1985, de 2 de abril.

